

四庫全書

史部

欽定四庫全書

史部

御批續資治通鑑綱目卷五

詳校官修撰臣錢 蔡

編修臣程嘉謨覆勘

總校官候補中允臣王燕緒

校對官主事臣王學海

膳錄監生臣蔣濬

欽定四庫全書

御批續資治通鑑綱目卷五

起甲申宋仁宗慶曆四年
盡癸卯宋仁宗嘉祐八年
凡二十年

甲申四年春正月帝復御經筵

自元昊反罷進講崇政殿說書趙師民言帝王治經
與品庶異不獨玩空文占古語也今方外小有事臣
等即不復進見是以為先王遺籍可以講無事之朝
不足贊有為之世臣愚以為過矣又獻勸講歲帝嘉
納之於是復命曾公亮等講讀經史嘗謂公亮等曰
卿等宿儒博學多所發明朕雖盛暑亦未嘗倦但恐
卿等

勞爾

發明

人主不可一日不學仁宗因西鄙多故遂罷進講經筵久曠于茲有年昔漢光武受命中

興東西誅戰不遑寧處而且投戈講藝息馬論道孝明帝庶政萬幾無不簡心而垂情古典遊意經義茲以西方小警久廢進講之規失之甚矣蓋自即位之初書御經筵至是垂二十年僅克再見豈不深可惜哉故書復御既喜之而又譏之也

荆王元儼卒

元儼太宗第八子廣額豐順嚴毅不可犯天下崇憚之名聞外夷呼為八大王遼人入使必問王安否及所在莊獻臨朝自以屬尊望重恐為太后所忌深自沈晦既有疾帝親視之屏人與語所對皆忠言至是卒有司以年歲不利財用方因請緩葬期范仲淹言荆王太宗愛子真宗愛弟屢被讒惑陛下仁聖力能

保全豈忍送奠之際却惜財利而廢典
禮請賜內藏庫金帛備奠事帝從之

發明

書曰荆王元豫卒者
為天下得人之惜也

三月詔天下州縣立學行科舉新法

時范仲淹意欲復古勸學數言興學校本行實詔近
臣議於是宋祁等奏教不本於學校士不察於鄉里
則不能覈名實有司束以聲病學者專於記誦則不
足盡人材參考衆說擇其便于今者莫若使士皆土
著而教之於學校然後州縣察其履行則學者脩飭
矣先策論則文詞者留心於治亂矣簡程式則閎博
者得以馳騁矣問大義則執經者不專於記誦矣帝
從之乃詔天下皆立學本道使者選部屬官為教授
員不足取於鄉里宿學有道業者士須在學三百日
乃聽預秋試舊嘗克試者百日而止試于州者令相

保任有匿服刑虧行冒名等禁三場先策次論次詩賦通考為去取而罷帖經墨義士通經術願對大義者試

十道

廣義

分註載宋祁之論即三代取士之法備書于冊其美可知

契丹党項諸部叛附于夏

元昊侵党項契丹遣使讓之元昊不聽党項等部及
夾山部若岱爾族八百戶與山西部族節度使庫哩
皆叛契丹
降于元昊

宜州蠻歐希範作亂討平之○夏四月作太學五月帝

謁孔子

判國子監王拱辰田況王洙余靖等言漢太學二百四十房千八百室生徒三萬人唐學舍亦千二百間今取才養士之法盛矣而國子監才二百楹制度狹小不足以容詔以錫慶院為太學置內舍生二百人講殿既備帝謁孔子故事止肅揖帝特再拜賜直講孫復五品服初海陵人胡瑗為湖州教授訓人有法科條纖悉備具以身率先雖盛夏必公服坐堂上嚴師弟子之禮視諸生如其子弟諸生亦信愛如其父兄從之游者常數百人時方尚詞賦湖學獨立經義治事齊以敦實學及興太學詔下湖州取其法著為式令

發明

善治天下者莫大乎育賢才而崇先哲育賢才則得人以資國家之用崇先哲則褒善以

為斯道之倡此皆治天下之善政而王者之盛心焉仁宗自三月詔天下立學行科舉新法則育賢

才之道著是月作太學謁孔子則崇先哲之義隆其所以培植國本振作斯文而為有宋威德守文之主豈不從可見哉綱目特舉而備書之其予之之意有在矣

廣義

書曰帝謁孔子所以著仁宗尊師重道之美

契丹伐党項夏人救之

發明

聲罪致討曰伐党項契丹之藩服既書叛以正其罪於前復書伐以定其罪於後夏人納叛不為無罪故書救者非善詞也所以惡其助逆之非耳美惡不嫌同詞其義自見

○元昊復遣使來上表

元昊遣使上誓表言兩失和好遂歷七年立誓自今願藏盟府其前日所掠將校民戶各不復還自此有

邊人逃亡亦毋得襲逐臣近以本國城砦進納朝廷
其拷拷鎌刀南安承平故地及他邊境舊漢所居乞
畫中為界於內聽築城堡凡歲賜銀綺絹茶二十五
萬五千乞如常數臣不復以他相干乞頒誓詔蓋欲
世世遵守永以為好儻君親之義不存或臣子之心
渝變當使宗祀不永子孫罹殃帝遣使賜元昊詔曰
俯聞來誓一皆如約時韓琦自陝西還與范仲淹並
對言為今之策當以和好為權宜戰守為實務因畫
和守戰三策又言北戎久強今乘元昊議和其勢愈
重苟不大為之備禍未可量夫京師坦而無備若北
戎一朝稱兵深入必促河朔重兵與之力戰彼戰勝
則直趨澶淵若京城堅固戒河朔之兵勿與戰彼不
得戰欲深入則前有堅城後有重兵必沮而自退退
而邀之擊之皆可也故修京師非徒禦寇誠以伐深
入之謀諫官余靖言王者守在四夷今無故而修京
城是舍天下之大而為嬰城自守之計遂不果行

欽定四庫全書

御批歷代通鑑輯覽
卷五

發明

書元昊遣使來上表則其歸款之誠與前上書者異矣故恕其跋扈不恭之心而特書遣

使所以嘉其悔過而進之也雖然元昊之來上表者非心服也力不贍也時方有事於契丹苟不求和於宋則南北受敵自取敗亡耳故上一札之書以結中朝之好殊不知為緩兵之計也使宋室君臣苟能知此併力伐之安有西顧之憂哉惜乎不足以語此

六月開寶寺塔火

余靖上疏言五行之占本是災變宜戒懼以答天意而聞有詔取舊廬舍利入禁中竊恐巧佞之人推為靈異再圖營造廣事浮費以奉佛求福非天下所望也宜一塔不能自衛為火所毀況藉其福以庇於民哉

發明

開寶寺塔乃太宗所建以藏舍利者其淫名無謂莫此為甚歷朝因之而不能毀深可惜

也大抵天地之間一義氣之周流開寶寺塔乃非義之建非義之建天必厭之故一夕大火焚燒俱

盡豈不快哉凡人不能毀而天毀之者此類是也

以范仲淹為陝西河東宣撫使

初仲淹以忤呂夷簡放逐者數年及陝西用兵帝以其士望所屬拔用護遼及夷簡罷召還倚以為治中外想望其功業仲淹亦以天下為己任與富弼日夜謀慮興致太平然更張無漸規模闊大論者籍籍及按察使出多所舉劾衆心不悅任子之恩薄磨勘之法密僥倖者不便由是謗毀稍行先是石介奏記于弼責以行伊周之事夏竦怨介又欲因以傾弼等乃使女奴陰習介書久之習成遂改伊周曰伊霍且偽

作介為弼揆廢立詔草飛語上聞帝雖不信而弼與仲淹恐懼不自安適聞契丹伐夏遂請行邊羅從彦曰小人之權幸可畏也以仁宗之英明急於圖治而富范等劬於讒間不果其志何耶古者人君立政立事君臣相與合心同謀明足以照之仁足以守之勇足以斷之為之不暴而持之以久故小人不得措其私權幸不得搖其成若慶厯之事銳之於始而不究其終君臣之間毋乃有未至邪

廣義

文正功業不就豈文正之不幸耶仁宗之不幸也使得遂其初志則宋國不虛而契丹西

夏不足平矣

嗚呼惜哉

京師旱蝗

上謂輔臣曰方歲旱而飛蝗百姓何罪罹此黥禱上帝願歸咎朕躬余靖等言災異之來實由人事闕失

今陛下既有引過之言達於天地神祇伏乞必踐其言必行其實專聽斷攬威權號令信於人恩澤及於下則災異消和氣應矣

發明

書曰惟吉凶不僭在人惟天降災祥在德旱蝗雖由於天其實則在乎人苟能敬天恤民則旱不為災蝗不為厲反是則災異之害民必矣考之分註帝若旱蝗憂及百姓默禱上帝願歸朕躬庶幾有恐懼脩省之心矣故又曰慎乃儉德惟懷永圖仁宗其近之

契丹初脩國史○秋七月大封宗室

先是富弼言北人率以近親為名王將相以治國事掌兵柄今歲荆王之薨識者憂之臣願陛下擇宗室中賢者數人封之內以藩屏王室外以威示四夷時祖宗之後未有封王爵者帝用弼議封秦王廷美子

德文為東平王潤王元份子允讓為汝南王燕王德昭孫從藹為潁國公岐王德芳孫從照為安國公同時封王公

者凡十人

廣義

封建重事也趙宋開國至此始封宗室不亦後乎孟子曰堯舜之仁不偏愛人急親賢也

堯舜之知不偏愛物

急先務也鄭公有焉

契丹來告伐夏八月遣右正言余靖報之

契丹主以夏援党項之故徵諸道兵將討元昊遣使來告曰請為中國討賊慎無與和也時朝廷欲加元昊封冊而契丹之使適至帝疑契丹與元昊同謀以見欺欲調發為備召羣臣議之富弼言契丹實有怨於元昊耳保無他也余靖言契丹挾詐不可輕許乃命靖致贄禮且覘其誠否而留夏國封冊不發

發明

夷狄雖春秋所外者然能盡禮於中國則未嘗不進之如書荆人來聘之類是也契丹惡

夏納叛將欲伐之又恐名義不正遣人來告則其尊中國之心可見矣因其來告遣使報之宋得體

焉綱目有中國外邦

交予之者此類是也

以富弼為河北宣撫使

從弼請也弼及范仲淹既去石介不自安亦請外得濮州通判

許公呂夷簡卒

謚文靖自莊獻太后臨朝十餘年間天下晏然夷簡之力為多及西夏用師契丹求地夷簡選將命使二邊以寧獨建募萬勝軍加契丹歲幣大為後日之患又成郭后之廢逐孔道輔范仲淹于外時論少之然

所斥士旋復收用亦不終廢其於天下之事屈伸舒卷動有操術故當國最久雖數為言者所詆而帝眷倚不衰朱熹曰當許公用事之時其舉措不合衆心者多矣而又惡忠賢異己必力排之逮其晚節知天下公議不可終拂又慮天下之事或至危亂而忠賢之排去者將起復用是以寧損故怨以為收之桑榆之計其慮患之意雖未必盡出於至公而補過之善天下實被其賜則與世之遂非長惡力戰天下之公議以貽患國家者相去遠矣

發明

夷簡輔相二紀得君專而行政久然其卒也何不具其官而獨存其爵蓋必有說焉自太

后臨朝天下無事故其功也及募萬勝之軍加契丹之幣雖偷目前之安大為後日之患況以私忿而譖廢郭后惡直言而黜逐正人則是伐休休有容之量而愧是職亦多矣故削其官此予而未盡

予之意也

九月晏殊罷

殊平居好賢及為相務進人材擢歐陽脩等為諫官既而苦其論事煩數或面折之至是脩出為河北都轉運使諫官奏留之殊獨不許孫甫蔡襄因上言殊為李宸妃碑不言生帝又殺官兵治獄舍以規利乃降授工部尚書出知潁州殊剛簡清險博學洽聞文章瞻麗為世推重

以杜衍同平章事兼樞密使賈昌朝為樞密使陳執中參知政事

衍務裁僥倖每有內降率寢格不行積詔旨至十數輒納帝前帝嘗語歐陽修曰外人知杜衍封還內降

欽定四庫全書

卷五

邪凡有求於朕每以符不可告之而止者多於所封還也執中自知青州召還諫官蔡襄孫甫等爭言執中剛愎不學若任以政天下不幸帝不聽諫官論不止乃命中使賁勅告即青州賜之明日諫官上殿帝作色迎謂之曰豈非論陳執中邪朕已召之矣乃不敢言

發明

分註載仁宗用陳執中之決則其拒諫不亦甚乎惡得賢

契丹伐夏冬十月夏人誘而敗之契丹及夏平

契丹主宗真親將騎兵十萬出金肅城遣弟重元將騎七千出南路樞密使蕭惠將兵六萬出北路三路濟河長驅入夏境四百里不見敵據德勝寺南壁以待惠與元昊戰于賀蘭山北敗之元昊見契丹兵盛乃請和退師十里請收叛黨以獻且進方物契丹主遣樞密副使蕭革迓之而進軍次于河曲元昊親率

党項三部以待罪契丹命革詰其納叛背盟之故賜之酒許其自新惠以為大軍既集宜加伐不可許和契丹主猶豫未決元昊以未得成言又退師三十里以候兀三退將百里每退必儲其地契丹馬無所食因許和元昊乃還延以老之度其馬饑士疲因縱兵急攻惠營敗之乘勝攻南壁契丹主大敗從數騎走得免元昊入樞密使蕭孝友砦執駙馬蕭呼敦以去已而遣使歸其先所得獲契丹亦遣所留夏使還之契丹主遂引兵還

發明

觀綱目所書則知契丹可謂勇而無謀者也而元昊則能勇而能怯者焉噫二國策略于

當時有如此者仁

宗雖欲高枕得乎

十一月詔戒朋黨相訐

并戒按察盜為苛刻
及文人肆言行怪者

廣義

國有朋黨非美名也揭而書之所以譏慶厯
治亂邪正之雜操耳君臣同心上下輯睦惡

在其有
朋黨哉

契丹以雲州為西京

雲州即雲中也契丹建為西京大同府於是契丹境
內凡五京六州軍城百五十六縣二百九部族五千
二屬國六十東至于海西至金山暨于
流沙北至臚胸河南至白溝幅員萬里

十二月冊元昊為夏國主

余靖使還知契丹已與夏和帝乃遣尚書員外郎張
子奭克冊禮使冊元昊為夏國主仍賜對衣黃金帶

銀鞍勒馬銀二萬兩絹二萬匹茶三萬斤冊以漆書
竹冊籍以錦金塗銀印文曰夏國主印約稱臣奉正
朔改所賜勅書為詔而不名許自置官屬使至京就
驛貿易宴坐朵殿使至其國相見用賓客禮置榷場
於保安軍及高平若第不通青鹽命國子博士高良
夫等會夏人畫疆界然朝使往止留館宥州終不復
至興靈而元昊帝
其國中自若也

發明

宋以仁義為本而國勢恒病於不振何者以
方興之師而不能克久疲之違以全盛之師

而不能制葦爾之夏陵夷而至於宣靖建紹以後
浸不足道也豈非積弱之勢有以致之耶昔孟子
告齊宣王曰詩云王赫斯怒爰整其旅以遏徂莒
以篤周祜以對于天下此文王之勇也書曰天降
下民作之君作之師惟曰其助上帝寵之四方有
罪無罪惟我在天下曷敢有越厥志一人衡行於

天下武王恥之此武王之勇也是時元昊雖臣而稱帝自若所陷城邑不能復取而反贈以王爵賜以銀絹失策甚矣觀元昊不欲臣宋之意契丹請為討賊之言豈不見議于外邦哉或者以元昊小醜不足與較嗚呼義當為而不為則過於弱義不當為而為之則失於強元昊父事宋朝臣事契丹則有輕宋之心在義之所當伐而不可違者苟行姑息則是失國之體驕敵之情其如國法何哉此姑息元昊是非之斷也

知環州神世衡卒

環原間敏珠爾密藏康努卜三族最大其北有二川交通西界宣撫使范仲淹議築古細腰城斷其路命世衡及知原州蔣偕董其事世衡時知環州方卧病檄至即將所部甲士晝夜興築城成而卒世衡善撫

士卒得人死力教士人習弧矢以佐官軍吏民有謀
其事辭其事者咸使之射從其中否而與奪之坐過
失者亦用此得贖吏農工商無不樂射在邊數年積
穀通貨所至不煩縣官益兵增饋而武功自振夏戎
聞屬羌不可誘土人皆善射乃不復以
環為意及卒青澗及環人皆畫像祠之

西乙

五年春正月罷杜衍范仲淹富弼以賈昌朝同平章

事兼樞密使宋庠參知政事王貽永為樞密使吳育龐
籍為副使

仲淹弼既出宣撫攻者益衆二人在朝所為亦稍沮
止衍獨左右之衍好薦引賢士而抑僥倖羣小咸怨
衍壻蘓舜欽易簡子也能文章論議稍侵權貴時監
進奏院循例祠神以伎樂娛賓集賢校理王益柔曙

之子也於席上戲作傲歌御史中丞王拱辰聞之以
二人皆仲淹所薦而舜欽又衍塔欲因是傾衍及仲
淹乃諷御史魚周詢劉元瑜舉劾其事拱辰及張方
平列狀請誅益柔章得象無所可否賈昌朝陰主之
韓琦言于帝曰益柔狂語何足深計方平等皆陛下
近臣今西陲用兵大事何限俱不為陛下論列而同
狀攻一王益柔此其意可見矣帝感悟乃止黜益柔
監復州酒稅而除舜欽名同席被斥者十餘人皆知
名之士拱辰喜曰吾一舉網盡矣舜欽既得罪衍由
是不安求去不許會諫官錢明逸論仲淹弼更張綱
紀紛擾國經凡所推薦多挾朋黨陳執中復譖衍庇
二人帝不悅遂併黜之衍罷知兗州仲淹知邠州弼
知鄆州衍清介有大節其去也君子惜之

發明

禮曰為人君者謹其好惡而已矣其臣果忠
耶雖有浮言而勿去其臣果佞耶雖有讐言

而必去斯得好惡之公也今杜衍等因羣吠紛紜
同日罷職然三人素著忠直仁宗所目擊者而且
信讒擯棄苟平日所不知者其能免於黜逐哉綱
目不書杜衍等罷而書罷杜衍等其義可見耳吁
廣義仲淹之服西夏富弼之使契丹其豐功偉績
宣惟當時之罕及亦後世之所難能也夫何
仁宗一聽讒人而遽罷二公耶況乎二公無罪可
徵特指其與杜祁公為朋比而去之耳意若仁宗
者可謂自壞其萬里長
城者也其不智孰甚焉

罷磨勘蔭子新法○三月罷樞密副使韓琦

范仲淹富弼罷去琦不能獨居上疏辨析且言近日
臣僚多務攻擊忠良取挾私忿不報初陝西四路總
管鄭戩遣靜邈若主劉滄著作佐郎董士廉城水洛
以通秦渭援兵知渭州尹洙以為前此屢困於賊者

欽定四庫全書

卷五

正由城砦多而兵勢分也。今又益城不可奏罷其役。會戡罷而滬等督役如故。洙不平以張忠代之。滬不受代。洙乃諭裨將狄青往械滬。及士廉下吏而罷。水洛之役戡論奏不已。琦是洙而朝議右戡。竟徙洙知慶州。釋滬等獄而復城。水洛琦乃請外。遂出知揚州。河東轉運使歐陽修上疏曰：杜衍、范仲淹、韓琦、富弼天下皆知其有可用之賢而不聞其有可罷之罪。自古小人讒害其識不遠。欲廣陷良善則指為朋黨。欲動搖大臣則誣以專權。蓋去一善人而衆善人尚在。則未為小人之利。欲盡去之則善人少過。唯指為朋黨則可盡逐。自古大臣被主知蒙信任則難以他事動搖。唯有專權是上之所惡。方可傾之。夫正士在朝羣邪所忌。謀臣不用敵國之福也。竊為陛下惜之。羣邪並忌修。因傳致修罪。左遷知滁州。洙博學有識度。以為自唐以來文格卑弱。至柳開始為古文。而世未知宗尚。乃與穆修復振起之。為文簡而有法。元昊反。

洙未嘗不在兵間故於西事尤為練習未幾卒

發明

禮曰大臣不可不敬也是民之表也遇臣不可不慎也是民之道也韓琦憤正人之志去

救尹洙之直言諫之不行琦力請外仁宗無辨出知揚州則於敬大臣之心為益疏矣涇渭何由而別哉綱目具官而書罷

所以明其不宜罷也

廣義

范仲淹富弼韓琦一時罷去則宋國可謂空虛矣烏得不起契丹西夏之侮哉所謂國必

自伐而後人伐之也奚足怪哉

罷科舉新法

范仲淹既去執政以新定科舉入學預試為不便且言詩賦聲病易考而策論汗漫難知祖宗以來莫之

有改且得人嘗多矣帝下其議有司請如舊法乃詔前所更令悉罷之

發明

科舉之法國之得實才者莫切於此士之期進用者亦莫切於此誠治世之良規保邦之

要法也自唐以詩賦取士雖亦求賢之國未免浮譁之失宋去唐未遠因之不革猶未盡善惟范仲淹定以策論則庶幾有性理之學焉仲淹去國朝議罷之豈不深可嘆哉上書罷磨勘蔭子新法此書罷科舉新法皆惜之之意也

夏四月朔日食○五月夏人歸石元孫

諫官御史奏元孫軍敗不死為國辱請斬于塞下以示西人賈昌朝獨引春秋穀臣知螢故事請赦之因人對又袖出魏于禁傳以奏曰前代將臣覆沒而還多不加罪帝乃貸元孫編管全州子弟嘗受陣亡恩

澤者並
追奪之

發明

元孫之事當以臺諫之言為是而以宰相之

臣之義辨逆順之理今石元孫以總管敗沒于賊
不能死義罪逆當誅況臺諫論奏尤為明切仁宗
乃惑賈昌朝之言從而赦之是使偷生之徒橫行
於天下而誅亂討逆之法亦不必立矣故綱目於
此書夏人歸石元孫以深貶之嗚呼失節之臣猶
且赦之況下於失節者乎綱目不書赦免猶為中
國諱
之也

章得象罷

得象在中書畏遠名勢宗黨親戚一切抑而不進然
亦無所建明御史孫抗數論之得象乃上章求去遂

出知
陳州

廣義

既已罷黜諸賢則得象之才德果有出于諸賢之右者哉罷去宜矣

以陳執中同平章事兼樞密使吳育參知政事丁度為

樞密副使

未幾執中與賈昌朝言西夏來庭乞免兼樞密使從之

冬十月罷轉運兼按察使○十一月罷京東安撫使富

弼

滁州狂人孔直溫謀反伏誅搜其家得石介書時介已死宣徽南院使夏竦言介詐死乃弼遣介結契丹

起兵期以一路兵為內應請發介棺驗之詔下兗州訪介存亡杜衍以闔族保介必死提刑呂居簡亦言無故發棺何以示後始獲免遂罷弼安撫使伐孫復監虔州稅介子孫羈管他州

癸明

甚矣小人之心至酷而不恕也苟有中傷君子者則必投間抵隙務致傾陷而後已是時

夏竦深憾石介詞連富弼誣以謀通契丹之事嗚呼弼以赤心報國帝所深知安有潛結北敵如夏竦所云哉苟富弼欲反曷不於出使之時迨至今日而復懷疑貳耶此理甚明無可疑者信讒而罷非其罪矣故書罷而不去其官

丙戌

六年春三月朔日食○秋八月以吳育為樞密副使

丁度參知政事

育在政府遇事敢言時知永靜軍何綬疑通判江中立諧已因誣以罪迫令自殺育欲坐綬死賈昌朝不可遂爭議帝前殿中皆失色育論辯不已曰臣所辦者職也顧力不勝願罷臣職知審刑院高若訥附昌朝議綬竟減死一等帝以昌朝故乃命育與度易位謂近臣曰吳育剛正可用第嫉惡太過耳

丁亥 七年春二月大旱詔求直言賈昌朝吳育免

昌朝育議不協論者多不直昌朝時方憫雨昌朝引漢冊免三公故事乞罷御史中丞高若訥上言大臣宣爭為不肅故雨不時若於是昌朝出判大名育出知許州

發明

人君所敬者天所實者民不能敬天而災咎之來必矣不能保民而四海之叛必矣古之

善治天下者未始不以敬天勤民為心焉吳元年六月久旱我太祖皇帝日減膳素食宮中皆然既

而大雨羣臣請復膳曰亢陽為災實吾不德所致
今雖得雨然苗稼焦損必多縱肉食奚能甘味得
乎民心則得乎天心今欲弭天災但謹於修己誠
以愛民庶可答天之眷大哉王言萬世之鑒仁宗
因大旱詔求直言其於敬天勤民之心誠庶幾矣
宰相所以變理陰陽陰陽不和咎將誰執故書昌
朝吳育免於下以明其可
免者也臣故敢併及之

以夏竦同平章事尋改授樞密使

竦制下諫官御史文章言大臣和則政事修竦前在
闕中與首相陳執中論議不合令不可使共事故改
之

以文彥博參知政事高若訥為樞密副使○帝禱于西

太乙宮是日雨

帝出禱雨于太乙宮日方炎赫
帝却蓋不御及還而雨大浹

發明

春秋書六月雨志喜雨也上書大旱詔求直
言此書帝禱于太乙宮是日雨則仁宗勤民
之心益見矣是日雨者言天感應之速也是故人
君不敬天則已苟或敬之而天必隨應捷如影響
世豈可以常事忽天變乎
直書于冊所以深美之也

冬十一月貝州卒王則據城反以明錫為河北安撫使

初涿人王則以歲饑流至貝州自賣為人牧羊後隸
宣毅軍為小校貝冀俗尚妖幻相與習五龍滴淚等
經及諸圖識書言釋迦佛哀謝彌勒佛當持世妖人
爭信事之州吏張巖卜吉主其謀黨與連德齊諸州

約以明年正旦斷澶州浮梁作亂會其黨以書謁北京留守賈昌朝事覺被報則故不待期至以冬至日反時知州張得一方與官屬謁天慶觀則率其徒劫庫兵執得一囚之從通判董元亨索庫鑰元亨厲聲罵賊賊遂殺之又殺司理王檠等兵馬都監田斌以從卒巷戰不勝而出城扉閭提等刑獄田京等縋城出保南閭入驍健營撫士卒凡有欲應賊者京以計盡誅之由是營兵在外者皆懾服南閭得不陷則偕稱東平王建國曰安陽改元得聖旗幟號令率以佛為稱城以一樓為一州書州名補其徒為知州每面置一總管然總城下者曰衆於是令民伍伍為保一人總餘悉斬事聞以知開封府明錫為體量安撫使而詔貝州有能獲賊者授諸衛上將軍錫至貝州民汪文慶等自城上繫書射錫帳約為內應夜垂縋以引官軍入城者數百人賊覺率衆拒戰官軍不利乃與文慶等復縋而出

廣義

觀綱目備載王則之事乃知去淫祠禁妖術實理國之要務也然以一小卒作亂尚干國

慮如此況其他乎有國者當知先務云

太子太傅致仕李迪卒

謚文定

戊子八年春正月以文彥博為河北宣撫使明鎬副之閏

月執王則檻送京師誅之彥博同平章事

鎬以貝州城峻不可攻乃為距闌將成為賊所焚鎬乃即南城為地道日攻其北以牽制之朝廷以則未下命彥博宣撫鎬為之副夏竦惡鎬恐其成功凡鎬所奏輒從中沮之彥博既受命請軍事得專行許之

步博至貝鎬穿道適通遂選壯士夜半由地道入城
衆登城賊縱火牛官軍以槍中牛鼻牛還攻之賊大
潰開東門遁總管王信追則擒之餘衆保村舍者皆
被焚死疎復言所獲恐非真盜乃詔檻送則京師疎
于市則據城凡六十六日而敗改貝州為恩州張得
一以降賊伏誅詔以彥博同平章事加明鑄瑞明殿
學士封賈昌朝為安國公侍讀學士楊偕言賊發昌
朝部中至出大臣乃能平昌朝為有罪不當賞弗聽
發明上書以文彥博為河北宣撫使下書執王則
檻送京師既見仁宗用人得其宜又見彥博
任事得其當也據
事直書義自見矣

夏元昊卒

年四十六子諒祚方期歲密藏氏所生也養于母族
鄂特彭遂因以三大將分治國政諡元昊曰武烈皇

帝廟號景宗尊密藏氏為皇太后○李燾曰元昊初
娶裕勒且女雅爾氏生寧令格特愛之以為太子既
而為寧令格納瑪伊克氏為妻見其美自娶之寧令
格憤殺元昊不死剗其鼻而去匿鄂特彭家為其所
殺元昊因鼻創死王偁曰自德明款塞西鄙息肩矣
元昊強梁兇悍乃謀僭尊以天下之力臨區區一方
然未嘗少挫及敗於女色禍發其子
彼能叛君而子亦能殺父此天道也

發明

元昊既嘗稱帝今而止斥其名者不予其僭
也然宋亦冊為夏國主今卒而削之者元昊

叛逆之賊宋不能討而反冊之非其義矣故不以
僭國例待之若生不加誅死不示貶則亂賊何所
懲戒哉

衛士作亂伏誅

帝將以閏月望夕復張燈皇后諫止之越三日親從
官顏秀等四人謀為亂夜入禁中越屋叩寢殿皇后
方侍帝聞變遽起帝欲出后閉閤擁持趣召都知王
守忠使引卒入衛賊傷宮嬪殿下聲徹帝所宦者以
乳嫗毆小女子給奏后叱之曰賊在近殺人敢妄言
邪陰遣人挈水踵後賊果舉炬焚簾水隨滅之是夕
所遣宦侍后皆親翦其髮曰以是徵賞故爭盡死力
守忠兵至賊就擒減詔領皇城司者皆坐斥事連副
都知楊懷敏夏竦與懷敏相結欲曲庇之乃請御史
與宦官同鞠于禁中丁度曰宿衛有變事關社稷請
付外臺窮治因爭于帝前帝從竦
議由是懷敏止降官領內職如故

三月詔羣臣言時政闕失

帝幸龍圖天章閣以手詔問輔臣及御史中丞以上
時政闕失皆給筆札令即坐以對時陳執中不學少

文固辭不對宋庠亦請至中書合議條奏乃聽兩府
歸而上之翰林學士張方平方鎖院草制夜半與所
僚對俱上言汰冗兵退剩員慎磨勘擇將帥四事帝
覽奏驚異詰旦更賜手札問詔所不及者方平復上
備邊恤刑二事又言古今治亂之變只在上下之勢
離合而已此來朝廷頗引輕險之人內為言官外為
按察多發人曖昧之事議論展轉緣飾沾激天下承
風靡然一變故將相以至卿大夫士一動一為輒曰
恐致人言更相姑息專避嫌疑苟且因循求免謗咎
何暇展布四體為國立事者哉願陛下深為留神務
在通上下之情欲上下之情合惟審于聽受而已殿
中侍御史何郯上言古者人君以天下至廣非一人
總明所能盡故內則公卿大夫謀于朝外採百士庶
人議于下今國家設侍從之官自學士以至侍制皆
自文學選以備顧問公卿之才並由此出自卿相承
朝廷惟以文翰待之而不責其言議臣下亦以職分

當爾自安猶默以天下利害之大備言責者惟御史
諫官僅十人而欲陛下聰明無所遺政理無所失不
可得矣欲乞頒詔告諭兩制臣寮自今有聞朝政闕
失並許上章論列欲進用臣寮取其裨補多者用為
選首庶使親待之臣各知責任
務國傾竭以助政化帝嘉納之

發明

人君有求治之心則必有求治之事夫治天

政善則民悅民悅則歸之如流水親之如父母仁
宗幸天章龍圖之閣以手詔問輔弼御史之臣皆
給筆札令即坐對蓋欲聞時政之闕失則其求治
之心切矣憂國之心勤矣宜乎有以享太平之治
也故綱目特
書以著其美

夏四月冊諒祚為夏國主

夏遣使來告哀朝廷及契丹皆遣使慰奠議者請因諒祚幼弱母族專國以節餼啖其三大將使各有所部分以披其勢可以得志陝西安撫使程琳曰幸人之喪非所以柔遠人不如因而撫之帝乃遣使冊諒祚為夏國主議者深惜朝廷之失機會

發明 冊諒祚予之乎曰非也是時元昊甫破諒祚襁褓況母族專國民心皇皇此正恢復靈夏削平僭叛之時也夫何君臣優柔不斷坐失機會而為子孫終身之憂自是而後不過踵行故事耳豈不深可惜哉特書曰冊蓋譏之也

廣義 程琳此舉乃宋襄陳餘之仁義也果何益于人國也哉于時即當與師問罪則憂國立可郡縣矣不此之務而乃為煦煦了了之事此議者所以深惜之也

罷丁度為觀文殿學士以明鎬參知政事

度以與夏竦議事不合求解政事乃置觀文殿學士以授之度性淳質在翰林十五年數論天下事未嘗及私帝雅重之文彥博數推鎬貝州之功且薦其才可大用帝遂以代度

五月無雲而震夏竦免以宋庠為樞密使龐籍參知政事

何郯論竦姦邪不可任樞要會京師一日無雲而震者五帝方坐便殿趣召翰林學士張方平至謂曰夏竦姦邪以致天變如此宜免之乃出知河南

發明

胡氏曰天人一理也萬物一氣也觀於陰陽寒暑之變以察其消息盈虛此制治於未亂

慎於微之意也蓋天象之垂戒實人爲之所感雲而震乃理之常無雲而震此理之變焉夏竦姦邪致傷和氣免之誠是也故以可免例書雖然仁宗因何郯之言罷夏竦之職庶幾有從善之心昌亦反求諸身而已矣惜乎仁宗徒知責人而不知責己也豈不深可惜哉特書於冊其義自見

六月明鎬卒○河北京東大水○冬十月以美人張氏

為貴妃

初衛士之變帝以美人有扈蹕功夏竦建議欲尊之同知諫院王贇因言賊本起皇后閣前請究其事冀動搖中宮陰為美人地上以問御史何郯郯曰此姦人之謀不可不察上悟事遂寢然美人卒以功進貴妃

發明 張氏一貴妃耳何以書所以譏仁宗偏愛之失也是時河北京東同時大水仁宗未聞有
省己責躬之實却乃垂情嬖倖亟立貴妃謂之何哉蓋大水者陰沴婦人者陰類以氣感氣自然之理耳仁宗迷而不悟悲夫識者試觀之綱目之旨思過半矣

己丑 皇祐元年春正月朔日食○二月彗星見

發明

仁宗頻年以來災異屢矣上書河北京東大水此書正月朔日食二月彗星見然則大水

者陰逆之氣日食者陽道之虧彗星者惡氣所積皆非善變也胡氏有曰克謹天戒則雖有其象而無其應弗克畏天災咎之來必矣仁宗敬天勤民初無過舉意者宮闈偏寵而金革將興歟不五月而有懷智高之反兵連禍結災不妄作信哉是以人君當克謹天戒不敢縱逸也

○夏五月加知青州富弼禮部侍郎辭不受

河北京東大水民流就食青州富弼勸所部民出粟益以官廩得公私廬舍十餘萬區散處其人以便薪水官吏自前資待缺寄居者皆給其祿使即民所聚選老弱病瘠者廩之仍書其勞約他日為奏請受賞率五日輒遣人持酒肉飯糗慰藉出於至誠人人為盡力山林陂澤之利可資以生者聽民擅取死者為大冢葬之目曰叢冢及麥大熟民各以速近受糧而歸凡活五十餘萬人募為兵者萬計前此救災者皆聚民城郭中為粥食之蒸為疾疫及相蹈藉或待哺數曰不得粥而仆名為救之而實殺之自弼立法簡便周盡天下傳以為式帝聞遣使褒勞加拜禮部侍郎弼曰救災守臣職也固辭不受

發明

嘗以易謙之彖觀之曰天道虧盈而益謙地道變盈而流謙鬼神害盈而福謙人道惡盈

而好謙謙尊而光卑而不可踰君子之終也然則謙之道乃君子之德富弼始終勞謙其志可尚前使契丹有功加官而不受今救荒歉有功加官而固辭誠乃仁人之量君子之心乎後之頗竊寸功矜已誇人者豈不為富弼之罪人哉直書不受深予之也

廣義 富弼公青州教荒至今贈矣人口況乎以功受賞古今令典鄭公辭而不受其與鰥官冒進者不啻天淵矣故記其時月而備書之者褒之也

帝幸後苑觀刈麥

帝御寶岐殿觀之謂輔臣曰朕作此殿不欲植花卉而歲以種麥庶知稼穡之不易也

發明 綱目於兩宋之篇有書觀燈者有書觀芝者皆譏詞也此觀刈麥識之歟曰非也觀燈觀

芝皆無益之觀玩物喪志不恤國政如春秋書觀魚于棠之類皆譏也人君深居九重羅八珍而列九鼎稼穡之艱漠乎其未聞也是以瓊其宮而瑤其臺丘其糟而池其酒肆欲敗度可勝言哉仁宗之觀刈麥乃敦本之意耳非玩物喪志之比焉觀其宣諭輔臣之言其務本抑末之心可見耳又豈聞幕問靡者所能彷彿耶

故綱目時書以著其美

廣義

自古人君未有不以逸欲而亡奢侈而敗也觀於煬帝後主可見矣雖以成王之賡而周

公尚有無逸之戒況其他乎今仁宗此舉正無逸所謂以勤而居逸者也綱目書此以昭千古之美不亦宜乎

六月以賈昌朝為觀文殿大學士判尚書都省

帝以昌朝舊學時置觀文殿大學士以寵之仍兼判尚書都省詔自今非嘗為相者毋得除後昌朝以山南東道節度使同平章事入見召赴邇英閣講乾卦帝曰將相侍講天下盛事昌朝頓首謝

秋八月陳執中罷

執中居位無所建明但延接卜相術士言者屢攻之遂以足疾求罷出知陳州

以宋庠同平章事高若訥參知政事龐籍為樞密使梁適為副使

庠初執政遇事輒分別可否及再登用遂浮沉自安然天資忠厚嘗曰逆詐恃明殘人矜才吾終身不為也

汰諸路兵

文彥博龐籍建議省兵衆以為不可帝以為疑彥博籍共奏曰公私困竭正坐冗兵果有患臣請死之帝意遂決於是簡汰陝西及河北諸路羸兵為民者六萬減廩糧之半者二萬又詔減陝西兵屯內地以省邊費

九月廣源州蠻儂智高反寇邕州

儂氏自唐初即雄於西原世為廣源州首領唐末交趾強盛廣源服屬之知儂猶州儂全福為交人所殺其妻改適商人生智高冒姓儂氏既壯與其母據儂猶州建國曰大歷交人攻而執之釋其罪使知廣源州智高怨交趾乃乘間襲據安德州僭稱南天國改元景瑞因招納亡命貢獻中國求內附朝廷不許復

奉金函書以請亦不報智高怒與廣州進士黃師宥等謀據廣南乃數出散衣易穀食給言洞中饑饉部落離散知邕州陳珙信之不設備智高一夕忽縱火焚其居因給衆曰平生積聚今為天火所焚生計窮矣當取邕廣以自王否則兵死衆從之遂率衆五千沿江東下攻邕州橫江寨守將張日新等戰死詔江南福建等路發兵備之

罷武舉○契丹伐夏夏人襲敗之

契丹北院樞密使蕭惠帥師自河南進以伐夏戰艦糧艘綿亘數百里既入敵境偵候不速鎧甲載于車軍士不得乘馬諸將請備不虞惠曰諒祚必自迎車駕何暇及我無故設備徒自弊耳契丹主既還惠師尚進未立營柵夏人奄至惠與麾下不及甲而走追者射之惠幾不得脫士卒死傷者不可勝計

冬十月契丹復伐夏獲諒祚之母于賀蘭以歸

發明

復伐者已甚之辭獲諒祚之母以歸其惡慝矣伐人之國而虜其父母非至不仁者弗克

忍為是時契丹夏人遞相報伐殊無義戰書之于冊足以志強暴之相凌耳

庚寅二年春二月夏侵契丹○三月契丹伐夏○秋九月

大享天地于明堂赦

自太祖以來未嘗親享明堂惟命有司攝事是歲帝謂輔臣曰今年欲以季秋行大享明堂之禮夫明堂者布政之宮朝諸侯之位天子之路寢乃今大慶殿也其以大慶殿為明堂仍詔有司詳定儀注於是新作禮神王製樂八曲九月朝享景靈宮又享太廟乃大享天地于明堂以太祖太宗真宗配儀如園丘大

赦百官

皆進秩

發明

明堂乃布政之宮非享祭之所蓋郊祀之禮國典攸存而大亨天地于明堂此何禮也凡

祭祀常禮則不書此時書之者所以著其失君臣俱罪之也

廣義

仁宗明堂之舉其義得矣然以太祖太宗真宗配者果何見哉必如郊祀后稷以配天宗

祀文王于明堂以配上帝則庶乎無弊矣

冬十月夏請平于契丹契丹不許

夏兩遣使于契丹乞依舊稱藩契丹主遣北院都監蕭伊克等使夏索党項叛户夏表契丹乞伐党項權進馳馬牛羊等物而求唐隆鎮及罷所建城邑契丹主不許安置所獲曩霄妻屬于蘇州

十一月詔外戚母得任二府

時張貴妃寵冠後庭堯佐其伯父也驟除宣徽節度景靈羣牧四使殿中侍御史唐介與知諫院包拯吳奎等力爭之中丞王舉正又留百官班廷論故有是詔且罷堯佐宣徽景靈二使

閏月詔太子中舍致仕胡瑗定雅樂

置局于秘閣詔太子中舍致仕胡瑗典作雅樂知制誥王洙言舊樂宮小而商大是臣強君弱之象乃參酌鈔鐘特磬制度與瑗等更造鐘磬上之賜名大安之樂其法與李照一律由是黃鍾律短而所奏樂音高又其鐘弁而直聲鬱不發著作佐郎劉義叟曰此謂害金帝將感心腹之疾乎已而果然瑗等既上樂議者以為鐘磬皆不合古遂復命詳定而當議者各安所習久而不定乃命諸家作鍾律以獻而郊廟乃

用舊樂益州鄉貢進士房庶常著樂書補亡二卷其
說以為嘗得古本漢志云度起於黃鍾之長以子穀
秬黍中者一黍之起積一千二百黍之廣度之九十
分黃鍾之長一為一分今文脫之起積一千二百黍
八字故自前世以來累黍為尺以制律是律生於尺
尺非起於黃鍾也蓋漢一為一分者九十分之一後
儒誤以一黍為一分其法非是當以秬黍中者一千
二百實管中黍盡得九十分為黃鍾之長九寸加為
一尺則律定矣直秘閣范鎮是之時胡瑗等製樂已
定故授庶常校書郎而遣之惟集賢校理司馬光不以
鎮言為是數與論難然世

鮮鍾律之學竟不能決矣

發明

雅樂未易定惟能知音律之學者可定之宋
世三定而迄無成功羣臣會議而卒無定論

謂之何哉一書
再書蓋惜之也

廣義

音律之學自古為難雖以胡安定司馬光范鎮諸賢尚不能精到況其他乎惟季通律呂

新書為考亭

之所尚焉

三年春正月帝幸魏國大長公主第

卯 辛

公主太宗女幼不好弄貌類太宗下嫁李遵勗賓客皆一時賢士大夫每燕集主必親視饗饋之節莊獻太后嘗賜金龍小冠辭不敢服太后訪以政事多語祖宗舊事以諷遵勗守許州暴得疾主亟欲往視不待奏而行從者纔五六人居夫畏衾麻未嘗去身服除不復御鮮華嘗燕禁中帝親為簪花主辭曰自誓不復為此久矣未幾病目帝自臨視親紙主目左右感泣帝亦悲慟問子孫所欲主曰豈可以母疾而邀賞邪發白金三千兩不受至是以暴疾聞帝促駕往視未至而生卒乃即主堂易服奠哭謚獻穆

發明

公主太宗之女仁宗之姑考之分注仁宗奉姑之心可謂至矣因主有疾親往視之因主

病目親為舐之則其篤於天倫之愛豈不切哉特書于冊蓋美之也

三月宋庠免以劉沆參知政事

時有偽造勅牒者庠弟祁之子與遊事覺包拯等言庠不戢子弟且在政府無所建明庠遂求去出知河南府

夏六月詔州郡勿獻瑞物

知無為軍茹孝標獻芝草帝曰朕以豐年為瑞賢臣為寶草木之異焉足尚哉免孝標罪而戒州郡勿復獻

發明

仁宗踐祚閱三十年觀綱目之所書自災異分擾之外凡前人宦官女寵奢侈聚斂神仙

浮屠之事一毫無有可不謂之賢哉故綱目上書詔外戚無得任二府下書詔州郡勿獻瑞物等事皆所以予之也嗚呼使仁宗有不遜聲色不殖貨利之德而又有布昭聖武表正萬邦之才豈不為有宋盛德之主惜哉

廣義

仁宗詔州郡勿復獻瑞其過于真宗遠矣特書于冊豈溢美哉

作隆儒殿○秋八月京東淮浙饑

諫官吳奎言近歲以來水不潤下盜賊橫起皆陰威所致今內寵驕恣近習回撓夷狄桀驁讒邪交傷陰威如此寧不致大異哉且朝廷之過常在乎無事之時因循而不為有事之後顛沛而失錯中外臣寮平

時建一策主一官雖有可取皆抑而不行又從而媒
藥謂之生事如兩河盜賊行路之人皆已傳布而大
臣不以為事至執殺官吏然後倉皇移易官
守不亦晚乎事將有大于此者幸陛下留意

發明

禮曰三年耕必有一年之食九年耕必有三年之食以三十年之通雖有凶旱水溢民無

菜色然後天子食日以舉樂用是而觀則宋之儲蓄亦歉矣救荒亦疎矣以致京東淮浙同時饑饉豈不深可惜哉是以有國家者要當廣其儲蓄以為凶年之資勿作無益以耗有用之財則國富而民歸矣反是則民有饑色野有餓莩雖有臺池鳥獸人君豈得而獨樂之哉

冬十月以張堯佐為宣徽南院使貶殿中侍御史裏行
唐介為英州別駕文彥博免

欽定四庫全書

卷五

堯佐復除宣徽使知河陽命下介謂同列曰是欲與宣徽而假河陽為名耳獨抗言之帝謂曰除擬本出中書介遂劾文彥博知益州日造間金奇錦緣閭侍通宮掖以得執政今顯用堯佐益自固結請罷之而相富弼語甚切直帝怒卻其奏不視且曰將遠竄介徐讀疏畢曰臣忠憤所激鼎鑊不避何辭於請帝急召執政示之曰介論事是其職至於彥博由妃嬪至宰相此何言也進用冢司豈應得預而乃薦弼時彥博在帝前介責之曰彥博宜自省即有之不可隱彥博拜謝不已帝怒益甚梁適叱介使下殿脩起居注蔡襄趨進救之貶春州別駕王舉正言其太重帝亦悟明日取其疏入改英州而罷彥博知許州吳奎亦以介黨出知密州帝慮介或道死有殺直臣名命中介使護之由是介直聲聞天下然彥博事之有無卒莫能辨王稱曰彥博雖有過宰相也使廷辱宰相而不問則於眷禮大臣之道有所未盡故斥介以慰彥博

介雖許臺諫也或偏信大臣而抑臺諫則於聽言之
美為有媿故罷彥博而行介之言使之俱無怨焉嗚
呼忘已以用人虛心而從諫
後之君人者當以仁宗為法

發明

臣謂王偁氏之論過矣何者人君謹其好惡
察其是非勿以私意而廢羣議之公勿以邪

謀而妨衆情之正苟或臺諫是而宰相非則納臺
諫而黜宰相苟或宰相是而臺諫非則納宰相而
黜臺諫此是非之公論也人臣事君當面折廷爭
宰相非是廷辱何害介以直言而貶黜彥博徇私
而免官是可謂之慰彥博而行介言乎新序有曰
聖賢之君不以祿私親功多者授之不以官隨愛
能當者處之故曰察能而授官者成功之君也堯
佐以貴妃之弟而授宣徽之職彥博以宰相之任
而存阿附之容羣臣不能言介獨言之仁宗則當
行介之言賞介之直罷堯佐宣徽之職降彥博從

官之列斯得好惡之至公賞罰之正理夫何堯佐職任如故彥博僅克免官而唐介乃貶英州奚以見其忘已用人虛心從諫之實乎觀綱目之所書則其義自見而王氏之說不攻自破矣此法明書法之意也

廣義 富弼有青州之功尚辭禮部侍郎堯佐果何人斯而欲驟除宣徽邪蓋于時張貴妃寵冠後宮堯佐其伯父也仁宗除其官乃私也非公也宜乎子方之力爭焉然則貶子方而卒除堯佐者仁宗私勝公微也書曰官不及私昵爵罔及惡德仁宗何足以知之

夏竦卒

賜諡文正同知禮院司馬光言謚之吳者極于文正疎何人乃得此謚判考功劉敞言謚者有司之事疎

姦邪而謚之以正不應法
且侵臣官詔更謚文莊

以龐籍同平章事高若訥為樞密使梁適參知政事王
堯臣為樞密副使

壬辰

四年夏五月資政殿學士汝南公范仲淹卒

贈兵部尚書謚文正仲淹為政忠厚所至有恩邠慶
二州之民與屬羌皆畫像立生祠其卒也哀號如父
呂中曰先儒論本朝人物以仲淹為第一觀其所學
必忠孝為本其所志則先天下之憂而憂後天下之
樂而樂其有所為必盡其方曰為之自我者當如是
其成與否有不在我者雖聖賢不能必此諸葛武侯
不計成敗利鈍之誠心也仁宗晚年欲大
用之而淹已即世豈天未欲平治天下歟

發明

仲淹立心正大為政忠厚呂氏中論之詳矣故卒而特具官爵以予之然則剛目於夏竦

姦邪則削其官仲淹忠直則具其官此所以為筆削之權衡是非之明鑑也

廣義

文正佐宋皆聖賢事業白璧無瑕者也故綱目於其卒也備記時月於年之下不惟書其

官而又尊其爵者美之至也

儂智高陷邕橫諸州遂圍廣川詔鈴轄陳曙等發兵討之

智高攻陷邕州執知州陳珙等欲任司戶孔宗旦以事宗旦不屈大罵而死智高即州建大南國自稱仁惠皇帝改元放歷置官屬時天下久安廣南州郡無備智高所向守臣輒棄城走遂陷橫貴藤梧康瑞龔

封八州知封州曹覲知康州趙師旦皆戰死智高進
圍廣州知州魏瓘力戰禦之知英州蘇緘蒐募壯勇
合數千人赴援扼賊歸路得黃師宓父斬之以徇而
轉運使王罕亦自外至募民兵益修守備城得不陷
事聞命陳曙討之又以余靖為廣西安撫使同提刑
李樞及曙經制賊盜事復以楊畋體量安撫廣南發
廣東鈴轄
兵赴之

以狄青為樞密副使

初尹洙與青談兵善之薦於韓琦范仲淹曰此良將
材也二人待之甚厚仲淹授以左氏春秋且曰將不
知古今正夫勇耳青由是折節讀書悉通秦漢以來
將帥兵法累進馬軍副都指揮使青起行伍十餘年
而顯貴面涅猶存帝嘗勅青傳藥除之青指其面曰
陛下以功擢臣不問門地臣所以有今日由此涅耳

臣願留以勸軍中不敢奉詔帝益重之至是自知
延州召拜副使臺諫王舉正等諫其不可帝不聽

秋七月儂智高陷昭州九月以孫沔為廣南安撫使

初以沔知秦州入見帝以秦事勉之對曰秦州不足
煩聖慮陛下當以嶺南為憂臣觀賊勢方張官軍朝
夕當有敗秦既而昭州鈴轄張忠以敗聞帝乃除沔
湖南江西安撫使沔請發騎兵求武庫精甲梁適折
沔曰毋張皇沔曰前日惟亡備故至此今乃欲示鎮
靜邪夫實備不至而貌為鎮靜危亡之道也乃與兵
七百人沔憂賊度嶺而北乃檄湖南江西曰大兵且
至其繕治營壘多具燕犒賊疑不敢北侵行至鼎州
加廣南安撫使

以狄青為荆湖宣撫使督諸軍討儂智高

智高寇擾日甚嶺外騷動楊畋等久無功帝以為憂
智高移書行營求邕桂節度使帝將受其降梁適曰
若爾則嶺表非朝廷有矣會狄青上奏請行遂以為
宣撫使提舉廣南經制盜賊事青入對自言曰臣起
行伍非戰伐無以報國願得著落數百騎益以禁兵
羈賊首致闕下帝壯其言時命入內都知任守忠為
青副知諫院李兌言唐失其政以宦者觀軍容致主
掣肘是不足法遂罷守忠諫官韓絳復言青武人不
宜專任帝以問龐籍籍力贊青可用且言號
令不專不如不遣乃詔嶺南諸軍皆受青節度

廣義

或曰韓絳龐籍之言果有得失乎曰有曰何以言之曰如絳言則青不能立功如籍言則

青必能立功籍之見乃武后去監軍御史之識也
非得而何絳之見即仁宗用宦者監軍之左計也
非失而何大臣謀國而有得失
如此人主奚可不慎其所與哉

以范祥為陝西轉運使制置解鹽事

自復權法兵民贊運不勝其苦並邊務誘人入中芻粟皆為虛估騰踊至數倍大耗京師錢幣太常博士范祥闕中人也熟其利害常謂兩地之利甚博而不能少助邊計者公私浸漁之害也儻一變法歲可省度支緡錢數十百萬乃畫策以獻遂命制置其事使推行之論者爭言其非是遣戶部使包拯馳視還言其便論者猶籍籍驛召祥至與三司雜議皆是祥所建詔從之田況請久任祥以專其事乃擢祥為轉運使於是舊禁鹽地一切通商聽鹽入蜀罷九州軍入中芻粟令入實錢償以鹽授以要券即池驗券按數而出盡弛兵民輦運之役以商所入緡錢雜粟輸並邊九州軍而悉留權貸物錢幣以實中都由是黠商貪古無所僥倖闕內之民得安其業公私便之

冬十月以胡瑗為國子監直講

瑗既居太學其徒至不能容取旁官舍處之禮部所得士瑗弟子十常居四五隨材高下喜自修飭衣服容止往往相類人過之不問可知為瑗弟子也時與孫復同為直講復教養不及瑗而治經過之然二人論見多不合常相避不見

廣義

孫復胡瑗為世通儒至於論見不合而常相避者要亦渣滓之未盡也人之全者豈得多

見哉

儂智高陷賓州復入于邕

時交趾請出兵助討智高余靖以便宜許之請于朝伏青奏曰假兵于外以除內寇非我利也以一智高

橫踐二廣力不能制乃假蠻夷兵蠻夷貪得忘義因而啟亂何以禦之願罷交趾助兵帝從之

發明

自皇祐元年書智高反至是閱四載如陷邕橫州廣州陷昭州陷賓州恣其攻略如陷無

人之境守臣成將非死則逃罔敢與敵於乎以烏合小醜橫行嶺南卒難勦捕宋之武備亦甚疏畧矣易曰君子以除戎器戒不虞有天下者不可不鑒

廣義

余靖儒者也秋青武人也靖之見不逮于青遠矣青豈武人也哉

十一月朔日食○十二月秋青勒兵賓州陳曙兵敗青斬之以徇

青行軍立行伍明約束野宿皆成營柵至廣南合孫沔余靖之兵進次賓州戒諸將無得妄與賊鬪聽吾

所為廣西鈴轄陳曙承青未至輒以步兵八千擊賊潰于崑崙關殿直袁用等皆遁青曰令之不齊兵所以敗晨會諸將堂上揖曙起并召用等三十二人按以敗亡狀驅出軍門斬之汚靖相顧曙貽諸將股栗莫敢仰視

發明

師之初六爻曰師出以律否臧凶象曰師出以律失律凶也然則行師之道貴乎正紀律

而肅號令否則未免與尸之凶也狄青部分諸將號令嚴明陳曙邀功無謀王師敗績苟不正法則軍令不肅人無闕志於是按罪行誅一軍股栗攻戰圖取卒能成功雖然青固能執法蓋亦朝廷委任之專耳所以任將不可不專行師不可不肅綱目不書殺而書斬蓋予青而罪曙也

癸巳

五年春正月會靈觀火

發明

人火曰火厯觀宋之宮觀非義之建者未始不為天之所毀如開寶寺塔玉清昭應宮會

靈觀皆毀于烈焰之中靡有孑遺是知人為不善天必厭之綱目特書于冊者一以見作非義者之無益一以見逆天道者之有徵也然則人君豈可不修省以答天譴乎合前後書法觀之然後可見綱目垂世立法之意深矣

○狄青夜度崑崙關大敗儂智高于邕州智高走大理

廣南平

青既誅陳曙因按兵止營令軍休十日衆莫測賊覘者還言軍未即進青明日即整兵自將前軍孫沔將次軍余靖為殿夕次崑崙關黎明整大將旗鼓諸將環立帳前待令乃發而青已微服與先鋒度關趣諸

將會食關外賊方覺悉出逆戰右將孫節搏賊死山下賊氣銳甚汚等懼失色青執白旗麾蕃落騎兵從左右翼擊之縱橫開合部伍不亂賊不知所為大敗走追奔五十里斬首數千級賊黨黃師宓懷建中等及偽官屬死者百五十七人生擒賊五百餘死者萬計智高夜縱火燒城遁去由合江口入大理遲明青按兵入賊獲金帛鉅萬招復老壯七千二百嘗為賊所俘脇者慰遣之梟師宓等于城下斂屍築京觀于城北隅時賊屍有衣金龍衣者衆謂智高已死欲以土聞青曰安知其非詐邪寧失智高不敢誣朝廷以貪功也廣南悉平捷至帝喜曰青破賊龐籍之力也又曰向非梁適言南方安危未可知也詔余靖經制廣西追捕智高而召青汚還朝後二年靖遣都監蕭注入特磨道生獲智高母及其弟智光子繼宗繼封又募死士使大理求智高重譯得至會智高已死於大理函首至京師乃誅其母及其弟子

發明

觀狄青之用兵可謂好謀而成出人意表者矣夜度崑崙出賊不意罪人斯得廣南悉平

其峻功偉績為何如哉

據事直書深予之也

廣義

分注載狄青之言以為寧失智高不敢誣朝廷以貪功其心事明白雖儒者何以過之噫

青雖起於行伍而能人之所不能此其功之所以立也雖然向非龐籍之贊襄必將受制於閹豎矣況望其能立功哉詩曰侯誰在矣張仲孝友此之謂也

夏五月高若訥罷以狄青為樞密使孫沔為副使

賞平廣南功也龐籍及臺諫朝士皆論青不可長省府帝不聽

以孫抃為御史中丞

韓絳奏抃非糾繩才抃即手疏曰臣觀方今士人趨進者多廉退者少以善求事為精神以能許人為風采捷給者謂之有議論刻深者謂之有政事諫官所謂才者無乃謂是乎若然臣誠不能也上察其言趣令視事未幾抃舉吳中復為監察御史抃未始識其面或問之抃曰昔人恥為呈身御史今豈薦識而臺邪

官邪

秋七月龐籍罷

籍長於吏事持法深峭士卒畏服及為相聲名減於治郡時

閏月詔定內侍員

詔自今內侍供奉至黃門以一百八十人為額仍詔內侍省都知押班須年五十以上歷任無贓私罪者

乃得
為之

八月以陳執中梁適同平章事○九月夏及契丹平

冬十月朔日食○十一月詔減畿內諸縣稅

端明殿學士張方平言王畿賦歛之重詔開
封府諸縣兩稅於元額減二分永為定式

發明

真氏曰有修德之實心然後有愛民之實事未能無
有愛民之實心然後有修德之實事

是心之實而能有其事之實者也上書詔定內侍
員則其革弊之法嚴此書詔減畿內諸縣稅則其
憂民之心切豈非修德愛民之
實事乎一書再書深予之耳

甲午至和元年春正月貴妃張氏卒追冊為溫成皇后二

月孫汚罷

貴妃巧慧多智數善承迎至贈其父堯封為郡王世父堯佐至太師嬖戚莫不顯貴然帝守法度事無大小悉付外廷議凡宮禁干請雖已賜可或輒中卻妃嬖幸少比然終不得紊政及卒帝憂悼甚至輟朝七日禁京城舉樂一月追冊為皇后治喪皇儀殿知制誥王洙鈞撫非禮陰與內侍石全斌附會欲令孫汚讀冊宰相護葬帝從之汚曰陛下若以臣汚讀冊則可以樞密副使讀冊則不可遂求罷乃知杭州時陳執中為首相奉行唯謹且引洙為員外翰林學士士論由是爭咎執中

發明

觀此則仁宗溺愛之心益著矣張氏以美人進位貴妃已為過寵今卒而追冊為后失禮

甚焉當時宰臣附會無敢可否者獨孫汚力辭讀冊遂求罷政然亦不能辨正是非較諸羣臣則彼

善於此耳綱目書汚罷於冊后之下則其因是事而罷從可知矣比事而觀其義自見

廣義

五百之主尚曰無以妾為妻何中國之主而反以妃為后邪人謂宋朝家法過漢唐觀於

此則所謂過者乃稱之過也豈真所謂過人之過者哉此綱目所以不書罷孫汚而書曰孫汚罷者以見罷出於汚而非出於上也

汚之剛正豈常人之可及哉

京師疫

內出犀角二合太醫和藥以療民其一通天犀也左右請留供奉御帝曰吾豈貴異物而賤百姓哉立命之

以田況為樞密副使三月王貽永罷以王德用為樞密

使

昭永尚真宗女鄭國公主自以祖宗來無外嬖輔政者恒懼寵祿過盛故在樞府十五年能遠權勢帝由是益加尊禮至是以疾罷德用時以太子太師致仕會乾元節上壽立班廷中契丹使語譯者曰黑玉相公乃復起邪帝聞之遂拜樞使

夏四月朔日食用牲于社

發明 春秋莊二十五年辛未朔日有食之鼓用牲于社傳曰諸侯用幣于社伐鼓于朝退而自責皆恐懼修省以答天意而不散忽也然則鼓用牲于社何以書譏不鼓于朝而鼓于社又用牲則非禮矣魯以諸侯之國用牲于社春秋譏之矧堂堂中國天子不知修省而乃效尤豈不誠可惜哉

綱目特揭而書之
所以深譏之耳

○秋七月以程戡參知政事○梁適免

適曉暢法令臨事有膽量而多挾智數貪黷怙權不
戢子弟御史中丞孫朴御史馬遵吳中復論之出知

鄭州

八月以劉沆同平章事冬十月葬溫成皇后祔其主于

太廟

劉沆克溫成皇后園陵監護使既葬祔廟賜后閤中
金器數百兩沆力辭而為其子請試學士院遂授館
職

發明 於戲宋人是舉可謂徇私滅公全恩棄禮者
矣蓋名不正則言不順張氏後宮之媵妾仁
宗以溺愛之故生榮死哀追冊為后則亦已矣祠
主太廟此何禮耶凡皇后之崩止書曰葬而不書
祔主此特書者所以譏其溺愛不明違法悖禮之
失也當時羣臣因敢正名其失者則其阿諛苟容
亦可見矣劉沆祔會葬事得授平章可恥之
甚觀綱目之所書驗當時之得失其義可見

二年春三月改封孔子後世愿為衍聖公

世愿孔子四十七代孫襲封文宣公太常博士祖
無擇言祖謚不可加後嗣乃詔改封仍令世襲

廣義 按無擇所言不惟不敢黷先聖而且為先聖
衍慶澤矣美號一加而至令作式無擇其有

功于聖門
也多矣

夏四月定差衙前法

初太宗立九等差役法後承平既久姦偽滋生而里正衙前主運官物陪償折耗役為至重民多破產者知并州韓琦請罷其法蔡襄亦為帝言之乃視資產多寡差排鄉戶衙前置籍分為五則定役輕重而罷里正衙前自是民稍休息

以趙抃為殿中侍御史

抃彈劾不避權倖聲稱凜然京師目為鐵面御史其言務欲朝廷別白君子小人以為小人雖小過當力遏而絕之君子不幸誣誤當保全愛惜以成就其德時吳克鞫真卿馬遵吳中復等皆以直言居外歐陽修賈黯復求郡抃言近日正人端士紛紛引去者以正色立朝不能諂事權要傷之者衆耳由是克等悉

得名還

廣義

人君用骨鯁之臣朝廷享清平之福清獻公一言見用則衆陽並進而羣陰自消孔子所

謂一言興邦不其諒哉

六月陳執中免

知諫院范鎮論執中無學術非宰相器會執中嬖妄
啓小婢出外舍死孫抃趙抃等論之不報至是以旱
錄囚范鎮言執中為相不病而家居陛下欲弭災變
宜速退執中以快天下之望今臺臣不以陰陽不和
責宰相而舍大索小暴揚燕私若因此為進退是因
一婢逐一相非所以明等級辨堂陛也孫抃復與其
屬合班論奏執中過失執中竟免然
執中在中書八年人莫敢干以私

以文彥博富弼同平章事

帝嘗問置相於王素素對曰惟宦官宮妾不知姓名者可充其選帝曰如是則富弼爾至是彥博與弼同召至郊詔百官迎之范鎮言曰隆之以虛禮不若推之以至誠及宣制士大夫相慶于朝帝遣小黃門覘知之語翰林學士歐陽脩曰古之命相或得諸夢卜今朕用二相人情如此豈不賢於夢卜哉脩頓首賀會契丹使者耶律防至王德用與射于玉津園防曰天子以公典樞密而用富公為相將相皆得人矣

廣義 文富二公素望碩德華夷著稱今特舉以為相可謂厭天下之心矣故特書曰以文彥博富弼同平章事文無美辭而美在其中矣

以張昇為御史中丞

昇指切時政無所避畏帝謂之曰卿孤立乃能如是
昇對曰臣仰托聖主致位侍從是為不孤今陛下之
臣持祿養望者多而赤心謀國者少
竊以為陛下乃孤立耳帝為感動

發明

仁宗以孫抃為御史中丞以趙抃為殿中侍
御史以文彥博富弼同平章事以張昇為御
史中丞則是宰相臺諫皆得
其人矣綱目備書深予之也

秋八月契丹宗真死子洪基立

宗真入秋山有疾翌日而殂廟號興宗長子燕趙國
王洪基即位以太弟重元為太叔大赦改元清寧尊
皇太后為太皇太后遣使來告哀宗真性佻悅嘗因
夜宴自入樂隊又數變服入酒肆寺觀尤重浮屠法
僧有正拜三公三師兼政事令者其臣馬保忠嘗勸
以臣下無勲勞宜序進之宗真怫然怒曰若爾則是

君不得專豈社稷之福耶自是欲有遷除必先厚賜近臣以絕其言

冬十月知辰州宋守信擊下溪蠻不克

下溪州自彭允林至仕義相繼為刺史五世矣至是仕義子師寶怒父取其妻來奔辰州訴仕義嘗殺營下十三州將奪其印符而并其地自號如意大王補置官屬將起為亂知辰州宋守信聞之乃以師寶為鄉導帥兵數千深入討伐仕義遁入他洞不可得俘其孥官軍戰死者十八九守信等皆坐貶自是蠻獠數入寇掠遠吏不能制矣

發明

不曰討伐而曰擊惡黠武也自是蠻獠數入寇掠遠吏不能制矣擅開邊釁者果何益乎

綱目貴義不貴

功其旨深哉

十二月脩六塔河

河入中國行太行西曲折山間不能為大患既出太
岷東更平地二千餘里特以隄防為之限夏秋霖潦
百川所會不免決溢而大名鄆澶滑孟濮齊淄滄東
濱德博懷衛鄭等郡及開封往往受其害於是詔諸
州長吏兼河隄使防塞之法甚備而決溢之患時有
說者以河隨時漲落自立春後凍解候人量水初至
凡一寸則夏秋當至一尺頗為信驗謂之信水非時
暴漲謂之客水隨決隨塞瀕河苦之至是河決大名
館陶殿中丞李仲昌請自澶州商胡河穿六塔渠入
橫龍故道以拔其勢富弼是其策詔發三十萬丁修
六塔河以回河道以仲昌提舉河渠翰林學
士歐陽修三上疏力諫其不可行帝不聽

發明

唐憲元和十三年書浚龍首池綱目譏之甚
矣驕侈之念未易克也災異迭見未果修為

而役民之事已駸駸乎不可遏獨不思夫廣南盜發士卒暴露攻陷城邑民無寧居僅克逋誅未聞撫馭此正勞心焦思講求致理之時豈宜高枕面肆宴安者哉等而上之正使外邦臣服河北克清四海寧謐在聖人處此猶且兢兢業業圖惟克終況十僅一二者乎書修六塔河則慶厯之駕已稅於此矣易曰其亡其亡君子得不為仁宗惜之

丙申

嘉祐元年春正月帝有疾文彥博等宿衛禁中二月

帝疾瘳

正月朔帝御大慶殿受朝暴感風眩趣行禮而罷翌日文彥博召內侍都知史志聰問狀對曰禁密不敢漏言彥博叱曰爾曹出入禁闥不令宰相知天子起居欲何為邪自今疾勢增損必以告不爾當行軍法

人與劉沆富弼謀啟醢于大慶殿因留宿殿廬志聰
白無故事彥博曰此豈論故事邪因赦死罪以下令
輔臣禱天地宗廟社稷知開封府王素夜叩宮門上
變彥博不使入明旦有言禁卒告都虞候欲為亂劉
沆欲捕治彥博召都指揮使許懷德問都虞候何如
人懷德稱其愿可保彥博曰然則卒有怨誣之耳當
亟誅之以靖衆乃請沆判狀尾斬卒于軍門北京留
守賈昌朝素惡富弼陰結內侍武繼隆令司天官二
人言國家不當穿河于北方致上體不安後數日二
人又上言請皇后同聽治亦繼隆所教也志聰以其
狀白執政彥博視而懷之徐召二人詰之曰天文變
異汝職所當言也何得輒預國家大事汝罪當族二
人懼色變彥博曰觀汝直狂愚耳未忍治汝罪自今
無得復然二人退乃出狀示同列同列皆憤怒曰奴
敢爾偕言何不斬之彥博曰斬之則事彰灼於中宮
不安衆皆曰善既而議遣司天官定六塔方位復使

二人往繼隆白請留之彥博曰彼本不敢妄言有教之者耳繼隆默不敢對二人至六塔恐治前罪更言六塔在東北非正北也二月帝疾愈御延和殿彥博等還私第當是時京師業業賴彥博弼持重衆心乃安已而劉沆白帝曰陛下違豫時彥博擅斬告反者彥博以沆判呈帝乃解

發明

是時仁宗有疾民心遑遑謀變者衆苟非文富諸賢宿衛禁中盡心調護則帝位易矣豈不甚可畏哉故綱目特表而出之蓋予之也

廣義

仁宗有疾中外疑之況羣邪投間抵隙者不能保厥躬矣易曰以杞包瓜含章有隕自天潞公有焉

閏三月以王堯臣參知政事程戡為樞密副使

戲以文彥博親
故改授副使

以唐介知諫院

御史吳中復請召還唐介文彥博因言于帝曰介頃
言臣事多中臣病其間雖有風聞之誤然當時責之
太深請如中復奏乃召介
知諫院時稱彥博長者

夏四月河決六塔流殿中丞李仲昌于英州

李仲昌等塞商胡北流入六塔河不能容是夕復決
溺兵夫漂芻藁不可勝計詔三司判官沈立往行視
內侍劉恢遂奏六塔之役水死者數千萬人穿土干
犯忌禁且河口乃趙征村於國姓御名有嫌而大興
鍾斷非便詔罷其役令御史吳中復內侍鄧守恭置
獄于澶劾仲昌等違詔旨不俟秋冬塞北流以致決

潰于是流仲昌于英

州餘各被謫有差

發明

修六塔仲昌之謀耳今而河決六塔則仲昌不為無罪曷為以無罪例書然謀之者仲昌

主之者富弼況河決亦天變之告戒非人力所能為當恐懼修省以答天變可也夫何君臣之間殊未見更相戒飭之意而徒流仲昌置獄犴豎應變之道哉綱目書流仲昌而不著所坐君臣交罪之也

廣義

六塔之役富鄭公是之文忠公非之至是將四月矣竟無成功而徒損人夫國用者則二

公識見亦於是可占矣

五月罷知諫院范鎮

帝性寬仁言事者競為激訐鎮獨務引大體非關朝廷安危生民利疚則未嘗言及帝暴疾文彥博因請帝建儲帝許之會疾瘳而止至是鎮奮然曰天下事尚有大於此者乎即上疏曰置諫官者為宗廟社稷計也諫官而不以宗廟社稷計事陛下是愛死嗜利之人臣不為也方陛下不豫海內皇皇莫之所為陛下獨以祖宗後裔為念是為宗廟社稷之慮至深且明也昔太祖舍其子而立太宗天下之大公也真宗以周王薨養宗子于宮中天下之大慮也願以太祖之心行真宗故事拔近屬賢者優其禮秩而試以政事俟有聖嗣復遣還邸章累上不報執政諭之曰奈何效希名于進之人鎮貽書曰比天象見變當有急兵鎮義當死職不可死亂兵之下此乃鎮擇死之時尚何顧希名干進之嫌哉因復上疏言之愈切除兼侍御史知雜事鎮以言不從固辭執政諭之曰令間言已入為之甚難鎮曰事當論其是非不當問其難

易諸公謂今日難于前日安知異日不難於今日乎
凡見帝面陳者三因泣下帝亦泣謂曰朕知卿忠當
更俟二三年鎮前後軍凡十九上待命百餘日鬚髮
皆白朝廷知不可奪乃罷知諫院改糾察在京刑獄
時并州通判司馬光亦言建儲事且勸鎮以死爭之
翰林學士歐陽修殿中侍御史包拯呂景初趙知知
制誥吳奎劉敞等皆上疏力請於是文彥博富弼
王堯臣等相繼勸帝早定大計皆不見聽

發明

歐陽氏曰人主之善厥下者嘗欲聞難言之
言然後下無隱情上無壅聽姦宄不作禍亂

不生難言之言人主當聞況易言之言乎蓋建儲
國家之大計不可不早為之定仁宗春秋鼎盛儲
位久曠范鎮職當言責理合備陳仁宗不聽則已
罷而黜之夫豈從善之道哉故書罷知諫院范鎮
則其以無故而罷
諫臣之意可見矣

廣義

建儲國之大事也大事者何大本也大本不立則懷奸蓄慝者誰無覬覦之心哉范公不

顧成敗利鈍而極言其事者此仁人君子正誼明道而無謀利計功之說也復之六四曰中行獨復

范公

有焉

六月大水社稷壇壞詔求直言

京師自四月大雨水注安上門門闕折壞官私廬舍數萬區諸路言江河決溢河北尤甚至是雨壞太社太稷壇詔羣臣實封言闕失而分遣使賑卹被傷者

發明

大水者陰逆而與怨氣并之所致也水壞社稷其異大矣人君行逆德者必致陰沴仁宗

無其逆德而致陰沴何蓋太子社稷之本是時太子未建社稷未固故水壞社稷者得非此之慮歟

仁宗但能詔求直言而不能反求諸心則是雖有求言之名而無求言之實災變何從而弭哉所謂人無鸞鳳妖不

妄作信斯言矣

廣義

范鎮諫立儲則凡言之直者無有直于此也至是又詔求直言是猶舍玉而求玉也奚可

哉

彗出紫微垣。○秋八月朔日食。○罷狄青判陳州以韓琦為樞密使

青在樞府每出入士卒輒指目以相矜誇至墮馬足不得行又其家數有光怪會大水青避于相國寺行止殿上人情頗疑翰林學士歐陽修言青掌國機密而得軍情非國家之利知制誥劉敞出知揚州陞解

亦言陛下幸愛青不如出之以全其終帝然之乃以使相判陳州

冬十一月王德用罷以賈昌朝為樞密使

德用將家子習知軍中情偽善以恩撫下故多得士心雖屢臨邊境未嘗親矢石督攻戰而名聞四夷閭閻婦女小兒亦呼為黑王相公

十二月劉沆免以曾公亮參知政事

沆初以附張貴妃得進數為御史論列沆深疾之因上言自慶歷後臺諫官用事朝廷命令之出事無當否悉論之必勝而後已專務法人陰私莫辨之事以中傷士大夫執政畏其言進擢尤速請行御史遷次之格滿二歲者與知州帝從之會御史范師道趙抃歲滿求補郡沆引格出之中丞張昇曰天子耳目之

欽定四庫全書

卷五

官而宰相挾私斥之可乎上疏極言沆遂出知應天沆長於吏事然任數善刺探權近過失陰持之以軒輊取事

以包拯知開封府

拯立朝剛毅貴戚宦官為之斂手聞者皆憚之以其笑比黃河清童穉婦女亦知其名呼曰包待制京師為之語曰闊節不到有闊羅包老

丁酉 二年春二月祁公杜衍卒

衍臨終作遺疏畧曰無以久安而忽邊防無以既富而輕財用宜早建儲副以安人心語不及私謚正獻以翰林學士歐陽修知貢舉

帝切於求士進士諸科一舉而獲選者至千三百餘人
士子習尚險怪奇澁之文號太學體張方平嘗言
文章之變與政通邇來文格日失其舊各出新意相
勝為奇驅扇浮薄重虧雅俗非取賢歛才備治具之
意雖下詔揭示而士習不改翰林學士歐陽修知貢
舉痛抑新體凡為時所推譽者皆被黜榜出澆薄之
士候脩晨朝聚譟于馬首街司選卒不
能禁止然自是場屋之習遂為之變

三月護國節度使同平章事狄青卒

青為人慎密寡言其計事必審中機會而後發行師
先正部伍明賞罰與士卒同饑寒勞苦雖敵俘犯之
無一士敢先後者故數有功嘗有持狄梁公畫像及
告身詣青獻之以為青之遠祖青謝之曰一時遭際
安敢自附梁公厚贈其
人而遣之卒諡武襄

發明

杜衍卒而不具其官狄青則具其官豈厚於青而薄於衍乎徇名責實也然則青衍之優

劣叛矣綱目
之予奪嚴矣

夏四月幽州地大震

壞城郭覆壓
死者數萬人

發明

自元年至是災異多矣如大水社稷壇壞
出紫微垣八月朔日食幽州地大震綱目備

書于冊而宋之君臣殊未見其脩德應天之實而
皆視為泛常恣不之顧可勝惜哉即綱目之所書
驗當時之得失則政
治之得失從可知矣

秋八月諸州置廣惠倉

初天下沒入戶絕田官自粥之至是韓琦請留勿粥
募人耕而收其租別為倉貯之以給州縣之老幼貧
疾不能自存者謂之廣惠倉以提刑領其事歲終具
出納之數上三司每千戶留田租百石以是為差戶
寡而田有餘
則粥如舊

廣義

普天之下莫非王土率土之濱莫非王臣是
知田與民皆國之所有者韓魏公請置廣惠

倉于諸州則是因其人之田而給養其民所謂惠
而不費者也易曰弗損益之无咎貞吉利有攸往
得臣無家魏
公其庶幾矣

九月契丹來聘遣翰林學士胡宿報之

初契丹主宗真來求御容會卒乃已至是洪基復遣
使來求欲成先志帝遣張昇報聘且諭之曰昔文成

第也弟先面兄於禮為順今南朝乃伯父之尊當先致恭於是復使其臣蕭扈來致其像宿乃奉御容如契丹契丹主具儀仗迎謁及瞻視驚肅再拜謂左右曰我若生中國不過與之持鞭持蓋一都虞候耳

發明 凡夷狄書來聘嘉其慕義自通故進之也契丹之來求御容耳能求御容則是有尊敬中國之心故特進之綱目於契丹侵邊則書入境於契丹求地則書來求於契丹求通則書來聘見君子之心樂與人為善因其侵夏則黜之因其慕義則進之其謹尊卑之辯嚴上下之防審矣然來而後報禮之宜耳故又書遣報以予之

冬十二月詔問歲一舉士置明經科

進士諸科待試京師者恒六七千人一不幸有故不應詔往往沈淪十數年以此毀行干進者不可勝數

王洙侍過英間講周禮至三年大比帝曰古者選士如此今率四五歲一下詔故士有抑而不得進者孰若裁其數而屢舉也下有司議咸請易以間歲之法則無滯才之歎薦舉數既減半主司易以詳較得士必精於是下詔間歲貢舉進士諸科悉解舊額之半增設明經試法凡明兩經或三經五經各問大義十條兩經通八三經通六五經通五為合格兼以論語孝經策時務三條出身與進士等未幾以登第者衆驟致顯擢復下詔定其選次之格以裁抑之

發明

間歲舉士置明經科則仁宗求賢之心可謂切矣人才疊出豈不宜哉特書于冊蓋予之

也

戊戌三年夏六月文彥博賈昌朝罷

彥博以老求罷以使相判河南封潞國公知諫院陳
旭等恐昌朝遂代為相乃率僚屬上言昌朝通交女
謁建大第別朔客位以待宦者宦官有矯制者樞密
院釋不治昌朝竟出判許州昌朝在侍從中多得名
譽及執政始不
為正人所與

以韓琦同平章事宋庠田況為樞密使張昇為副使

時羣臣皆以建儲為言帝依違不決琦既相乘間進
曰皇嗣者天下安危之所繫自昔禍亂之起皆由策
不早定陛下何不擇宗室之賢以為宗廟社稷計帝
曰後宮將有就館者姑待之已而又生女琦懷漢書
孔光傳以進曰成帝無嗣立弟之子彼中才之主猶
能如是況陛下乎願以太祖之心為心則無不可者
帝不

答

以包拯為御史中丞

拯言東宮虛位日久天下以為憂夫萬物皆有根本而太子者天下之根本也根本不立禍孰大焉帝曰卿欲誰立拯曰臣非材備位所以乞豫建太子者為宗廟萬世計耳陛下問臣欲誰立是疑臣也臣年七十且無子非邀後福者帝喜曰徐當議之

廣義

嗚呼堯舜以子不肖即傳於賢者正以見天下者天下之天下非己之所得私也苟不傳賢以定之無乃啟天下後世禍亂之源乎堯舜所以為萬世法者此也仁宗無子而貪戀厥位其私孰甚焉迹其本心是營菟裘者之不若也何足貴哉

秋八月朔日食○王堯臣卒○下溪蠻降

先是彭仕義陳乞內屬帝遣殿中丞雷簡夫往視之簡夫度仕義未可專用恩澤誘化至則督諸將進兵築明溪上下二寨據其險要拓取故地五百餘里仕義計窮遂歸連歲所掠甲仗士卒詔辰州還其弩及銅柱自是復通中國然點驚益甚

冬閏十二月罷伎吏知州軍提點刑獄

己亥

四年春正月朔日食用牲于社

知制誥劉敞言社者上公之神羣陰之長故日食則伐鼓于社所以責上公退羣陰令反祠而請之是屈天子之禮從諸侯之制抑陽扶陰降尊貶重非承天戒尊朝廷之義也

發明

元旦日食非小變也仁宗未聞修己之實而徒用牲于社失禮甚焉夫社者羣陰之長日

食伐穀所以退羣陰春秋用牲于社君子識之今反祠而請之則是屈天子之禮從諸侯之制抑陽扶陰降尊貶重其不可也明矣綱目前書日食而用牲于社此書日食而用牲于社然則當時羣臣無敢言其非能言其非者惟劉歆一人而已帝不見聽惜哉

二月更權茶法

自茶為官權民私蓄盜販皆有禁臘茶之禁尤嚴園戶困於征取官司並緣侵擾因陷罪戾至破產逃匿者歲比有之著作佐郎何禹三班奉職王嘉麟皆上書請罷給茶本錢縱園戶貿易而官收租錢與所在征糗歸權貨務以償邊難之費可以疏利源寬民力富粥韓琦曾公亮然其策請于帝行之下三司議三司言茶課給本收利所獲甚微而煩擾為患園戶輸納侵害日甚小民趨利犯法益繁宜約歲入息錢之

數均賦於民，迄其買賣所在，收算而不給本錢，遂詔弛舊禁，俾通商利。凡歲輸緡錢三十三萬八千有奇，謂之租錢，與諸路本錢悉儲以待邊糴。自是惟臘茶禁如舊，餘茶肆行天下矣。論者又謂茶戶困於輸錢，良民賦不時入刑，亦及之。商賈利薄，販鬻者少，必致歲額不登，經費日蹙。翰林學士歐陽修知制誥劉敞皆請除前令，帝不聽。

夏四月封周世宗後柴誅為崇義公

給田十頃，以奉周祀。從著作佐郎何鬲請也。

廣義

昔成王封微子於宋，聖人定為書之一篇。其公平廣大氣象，至今藹然可想。綱目書曰：夏

四月，封周世宗後柴誅為崇義公。且給田十頃，以奉周祀。則是周成王復見于宋也。仁宗其賢矣乎！

五月除猜防大臣條約

前兩制不許至執政私第執政所薦士不得充臺官詔並除之

秋七月放宮人

帝以月食幾盡修陰教以應天變前後出宮女幾五百人時後宮得幸者十人謂之十閹而劉氏黃氏在十閹中尤驕恣通請謁御史中丞韓絳密以聞帝曰非卿言朕不知也當審驗之遂并出二人

發明月食者陰道之虧仁宗以月食幾盡修陰教以應天變前後出宮女幾五百人則其應天

之變為如何哉大書特書蓋予之也

田況罷

況寬厚明敏有文武材好論
天下事言甚明切以疾罷

冬十月大袷于太廟

帝將親袷下禮官集議東向之位同判宗正寺趙良
規請正太祖東向之位而知太常禮院韓維請如故
事庶東向之位便時禮官不敢決乃與待制以上及
臺諫官同議太祖為受命之君然僖祖以降四廟在
上故大袷止列昭穆而虛東向
魏晉以來已用此禮詔從之

十一月汝南王允讓卒追封濮王

允讓天資渾厚內寬外莊知太宗正寺二十年宗子
有好學者勉進之以善若不率教則勸戒之至不變
始正其罪故皆畏服及薨謚懿
以其子宗實育宮中故卹典有加

召河南處士邵雍不至

雍河南人少時自雄其才慷慨欲樹功名於書無所
不讀始為學即堅苦刻勵寒不爐暑不扇夜不就枕
者數年既而踰河汾涉淮漢周流齊魯宋鄭久之喏
然來歸曰道在是矣遂不復出初北海李之才受易
於河南穆修修受於种放而放受之於陳搏源流最
速之才攝共域令雍時居毋憂于蘇門山躬黌以養
父之才叩門來謁勞苦之曰好學篤志果何似雍曰
簡策迹外未有適也之才曰君非迹簡策者其如物
理之學何他日則又曰物理之學學矣不有性命之
學乎雍再拜願受業之才遂授以河圖洛書伏羲八
卦六十四卦圖象雍由是探賾索隱妙悟神契玩心
高明深造曲暢遂衍伏羲先天之旨著書十餘萬言
富弼司馬光呂公著諸賢居洛中雅敬雍恒相從游
為市園宅雍德氣粹然望之知其賢然不事表暴不

設防畛羣居燕笑終日不為甚異人無貴賤少長一
接以誠故賢者悅其德不賢者服其化留守王拱辰
薦雍遺逸授將作主簿後復舉逸士補潁州
團練推官皆固辭乃受命竟稱疾不之官

發明

書處士予雍也雍躬逢盛世而以孔孟之道
自樂於己不以孔孟之道見屈於人誠蠱之

上九衆方有為而獨不事王侯高尚其事者也迨
夫朝廷聘召力辭不就其泥塗軒冕之心著矣若
雍者天下豈得而多見哉厥後卒老衡茅終身不
仕而其名譽道德推重當時惡在其能仕宦也故
書美之

廣義

或曰康節當治朝而召之不至者無乃不可
乎曰康節非惡此而逃之也蓋其心樂乎道

無德無喪心與道俱知有道之可貴而不知有官
爵之可榮也譬猶魚樂乎水鳥欣於木皆出自然

非由免強然非深於
通者孰能與於此哉

子 庚 五年春正月鑿二股河

自李仲昌貶河事久無議者河北都轉運使韓贄言
四界首古大河所經宜浚二股渠分河流入金赤河
可以紓決溢之患朝廷如其策役三千
人幾月而成未幾又併五股而浚之

發明

魯人浚洙春秋譏之古之人君知民為國之
本不作無益以勞民而使之耕食鑿飲無妨

農時所以百姓充足倉廩富饒而長享雍熙之治
也仁宗敬天勤民之心不為無有然前書修六塔
河此書鑿二股河曾謂是役非民力乎蓋由中心
無主易於感動云爾民者國之根本斧其根則枝
葉豈有不凋瘵者哉此君
子所以深為仁宗惜也

夏四月程戡免以孫抃為樞密副使

戡與宋庠不合數爭議於帝前臺諫以為言帝不悅殿中侍御史呂誨復論戡結貴倖以致位乃免

置寬恤民力司

詔置于三司遣官分路訪寬恤民力事

五月召王安石為三司度支判官

安石臨川人好讀書善屬文曾鞏攜其所撰以示歐陽修修為之延譽擢進士上第授淮南判官故事秩滿許獻文求試館職安石獨否調知鄞縣通判舒州文彥博為相薦其恬退乞不次進用以激奔競之風歐陽修薦為諫官安石皆以祖母年高辭修以其須祿養復言于朝召為羣牧判官改度支判官安石議

論高奇能以辨博濟其說果於自用慨然有矯世變俗之志於是上萬言書其大要以為今天下之財力日以困窮風俗日以衰壞患在不知法度不法先王之政故也法先王之政者法其意而已法其意則吾所改易更革不至乎傾駭天下之耳目驚天下之口而固已合先王之政矣因天下之力以生天下之財取天下之財以供天下之費自古治世未嘗以財不足為患也患在治財無其道耳先是館閣之命屢下安石輒辭不起士大夫謂其無意於世恨不識其面朝廷每欲畀以美官惟患其不就也及赴是職聞者莫不喜悅呂祖謙曰安石變法之蘊亦畧見於此書特其學不用於嘉祐而盡用於熙寧世道升降之機識者於此三致意焉

發明

始之初六曰繫於金柅貞吉有攸往見凶羸豕蹢躅傳曰一陰始生靜正則吉往進則

凶故以二義戒小人使不害於君子則有吉而無凶然其勢不可止也故以羸豕躡蹢曉君子使深為之備云古之聖人於一陰始生之時其道雖微其勢必盛故謹微之意至於如此宋自用安石變更法制毒流四海其禍至於宣靖而未已然觀其所上之書則其矯世變俗之志昭然可見雖得遂志於熙豐其進實基於嘉祐綱目因其召用而特書于冊者以明小人肇禍之始此正始之初六羸豕躡蹢之戒耳其謹微之意益深切哉

廣義

朱子綱目載李林甫柔佞多狡深結宦官嬖妃故得居相位今文潞文忠交薦安石之賢

則君子反被其賣其奸豈林甫之可及哉書曰召者以見朝廷與一時羣賢皆被其愚又所以著其亂政之漸也易曰履霜堅冰至書曰始罔罔厥攸灼殺弗其絕詩曰維彼雨雪先集維霰皆安石之

乎謂

六月契丹新置國子監

契丹主自即位求直言者再復詔設學養士頒五經傳疏置博士助教各一人

歐陽脩等上新唐書

先是帝以劉煦等所撰唐史卑弱淺陋命翰林學士歐陽脩端明殿學士宋祁刊脩之曾公亮提舉其事十有七年而成凡二百二十五卷事增於前文省於舊脩撰紀志表祁撰傳故事每書首止列官尊一人脩以祁為先進且於唐書功多故各著其名以自異

發明

唐書何以曰新考之分注仁宗以劉煦等所撰唐史卑弱淺陋命脩等刊脩之故書曰新

然事增於前文省於舊積之十有七年而始成蓋亦難矣綱目特書于冊一以美帝之存心古典一以美脩等迪君於美也其與上會計錄者豈不大相懸絕哉

各十一月宋庠免以曾公亮為樞密使

庠前後所至以慎靜為治然愛信幼子縱其與小人遊殿中侍御史呂誨論庠昏惰乃罷判鄭州

以張昇孫抃參知政事歐陽脩陳旭趙槩為樞密副使

六年春三月起復富弼同平章事弼固辭許之

弼以母喪去位詔為罷春宴故事執政遭喪皆起復弼虛位五起之弼同辭終制且曰起復金革之變禮不可施於平世帝乃許之

發明

起復者乃金革之變禮非治世之常規無金革之變奪人之喪自奪其喪皆非也宋制執

事遭喪皆起復則是背禮甚矣仁宗虛位五起而富弼固辭不就君子之存心有異於人信哉特書

固辭深

予之也

廣義

大抵以道事君不以寵利移易其心者大臣之體也今鄭公以母喪去位君起之頻公辭

之固是誠不以寵利易其心而深得大臣之體者也綱目紀其年月而大書于冊者其垂訓之意至矣

夏四月陳旭罷

知諫院唐介趙抃御史范師道呂誨上疏論旭陰結宦者故得大用帝曰朕選用執政豈容內臣預議耶

乃兩罷之旭知定
州介等亦外補

以包拯為樞密副使○六月朔日食

司天言當食六分之半食四分而雨羣臣欲援至和
例稱賀同判尚書禮部司馬光言日之所照周徧華
夷雲之所蔽至為近狹雖京師不見四方必有見者
天意若曰人君為陰邪所蔽災慝甚明天下皆知其
憂危而朝廷獨不知也食不滿分者乃厯官術
數不精當治其罪亦非所以為賀也帝從之

以司馬光知諫院

光入對首言臣昔通判并州所言三章願陛下果斷
力行帝沉思久之曰得非欲選宗室為繼嗣者乎此
忠臣之言但人不敢及耳光對曰臣言此自謂必死
不意陛下聞納帝曰此何害古今皆有之光復以三

劉子上一其論君德有三曰仁曰明曰武仁者非嫗
煦姑息之謂興教化脩政治養百姓利萬物此人君
之仁也明者非煩苛伺察之謂知道誼識安危別賢
愚辨是非此人君之明也武者非強亢暴戾之謂唯
道所在斷之不疑奸不能惑佞不能移此人君之武
也陛下天性慈惠謹微接下子育元元汎愛羣生雖
古先聖王之仁殆無過過然踐祚垂四十年而朝廷
紀綱猶有虧缺閭里窮民猶有怨歎意者羣臣不能
宣揚聖化將陛下之於三德萬分一亦有所未盡歟
臣伏見陛下推心御物端拱淵默羣臣各以其意有
所敷奏陛下不復詢訪利害一皆可之誠使陛下左
右前後之臣皆忠實正人則善矣或有一姦邪在焉
則豈可不為之寒心哉其二論致治之道有三曰任
官曰信賞曰必罰國家御羣臣之道累日月以進秩
循資塗而授任苟日月積久則不問其人之賢愚而
實高位資塗相值則不問其人之能否而居重職非

欽定四庫全書

卷五

時如是而已國家采名不采實誅文不誅意夫以名
行賞則天下飾名以求功以文行罰則天下巧文以
誣罪陛下誠能慎選在位之士而用之有功則增秩
加賞而勿徙其官無功則降黜廢棄而更求能者有
罪則流竄刑誅而勿加寬貸其三言養兵之術務精
不務多赦書害多而利少非國家之善政又進五規
曰餘業惜時遠謀重微務實又言故事凡臣僚上殿
奏事悉屏左右內臣今內臣不過去御坐數步君臣
對問之言皆可聽聞恐漏泄機事非便帝皆嘉納之
詔自今止令御藥侍臣及扶侍四人立殿角以備宣
喚餘悉屏之

以王安石知制誥

安石自度支判官改同脩起居注辭之吏日閤門吏
貴勅就付之拒不受吏隨而拜之則避于廁吏置勅

於案而去又遣還之上章至八九乃受及徑除知制誥安石遂不復辭矣

秋八月以曾公亮同平章事張昇為樞密使胡宿為副

使

宿為人清慎忠實臨事不妄發既發亦不可回止其當重任尤能顧惜大體羣臣多務更張革弊宿曰變法而徒紛紛無益於治也

閏月策賢良方正直言極諫之士

王介蘇軾蘇轍皆在舉中轍對切直胡宿力請黜之帝不許曰以直言召人奈何以直棄之乃收入第四等王安石意轍右宰相專攻人主比之谷永不肯撰詞韓琦曰此人謂宰相不足用欲得婁師德郝處俊

而用之尚以谷永疑之乎改命沈邁為之詞時有
詔舍人院無得申請改除文字安石爭之曰審如是
則舍人不得復行其職而一聽大臣所為今大臣之
弱者不敢為陛下守法而強者則挾上旨以造令諫
官御史無敢逆其意者臣實懼焉語皆
侵執政執政者不悅曾以母喪遂去職

發明

漢文二年書詔舉賢良方正直言極諫之士
綱目美之蓋人君之德雖不一然敬天聽言

乃其要者今仁宗乃能詔策賢良方正一舉而求
賢聽言之意皆在其中天下之人自是欣躍感戴
革故鼎新四海皆延丰采仁宗之德不亦善乎
言曰直言諫曰極諫書之于冊足為千古之美

以歐陽脩參知政事

時韓琦為首相法令典故問曾公亮文學之事問脩
三人同心輔政百官奉法循理朝廷稱治脩以兵民

官吏財利之要中書所當知者集為總目遇事取視之不復求諸有司

冬十月起復宗實知宗正寺固辭不拜

羣臣以儲位未建為憂言者雖切而帝未之允司馬光上疏曰向者臣進豫建太子之說意謂即行今寂無所聞此必有小人言陛下春秋鼎盛何遽為此不祥之事小人無遠慮特飲倉卒之際援立其所厚善者耳定策國老門生天子之禍可勝言哉帝大感動曰送中書光見韓琦等曰諸公不及今定議異日禁中夜半出寸紙以某人為嗣則天下莫敢違琦等拱手曰敢不盡力時知江州呂誨亦上疏言之及琦入對以光誨二疏進讀帝遽曰朕有意久矣誰可者琦皇恐對曰此非臣輩所可議當出自聖擇帝曰宮中嘗食二子小者甚純近不慧大者可也琦請其名帝曰宗實琦等遂力贊之議乃定宗實天性篤孝好讀

欽定四庫全書

卷五

書不為燕嬉褻慢服御儉素如儒者時居濮王喪乃起復知宗正寺琦曰事若行不可中止陛下斷自不疑乞內中批出帝意不欲宮人知曰只中書行足矣命下宗實固辭乞終喪帝復以問琦琦對曰陛下既知其賢而選之今不敢遽當蓋器識遠大所以為賢也願固起之帝曰然

發明

是時宗實居父濮王之喪仁宗將起為嗣是以命知宗正宗實固辭乞終喪制則其賢可

知矣故書固辭不拜以深予之

廣義

大抵天下者天下之天下非人君之天下也昔者堯老而舜攝舜老而禹攝未聞堯舜之

無子也特以其不肯而傳之于賢耳今也仁宗春秋既高矣嫡嗣又無矣顧乃栖栖焉不肯建儲者何哉其心以為天意若錫吾胤則目可瞑于晏駕之時所謂遺腹之植不猶愈於委裘之朝乎殊不

知傳子傳賢皆出于天非人力之所能為也況仁宗既有遺疾之險又有猶子之賢于時不定儲貳可乎此羣賢所以深懼而力請也

壬寅七年春三月孫抃罷以趙鼎參知政事吳奎為樞密

副使○夏四月樞密副使包拯卒

拯性峭直耿介與人不苟合不一毫妄取平居無私書故人親黨于謁一切絕之然惡吏苛刻務敦厚于人未嘗不恕其飲食服用喜儉朴雖貴如布衣時卒贈禮部尚書謚孝肅

發明

包拯峭直耿介公正無私是誠宋室之賢臣也故卒而具官以著其公勤之績耳

秋八月立宗實為皇子賜名曙九月進封鉅鹿郡公

宗實既終喪韓琦言宗正之命初出外人皆知必為皇子不若遂正其名帝從之琦至中書召翰林學士王珪草詔珪曰此大事也非面受旨不可明日請對曰海內望此舉久矣果出自聖意乎帝曰朕意決矣珪再拜賀始退而草詔詔下宗實復稱疾固辭章十餘上記室周孟陽請其故實實曰非敢徼福以避禍也孟陽曰今已有此迹設固辭不受中人別有所奉遂得燕安無患乎宗實始悟司馬光言于帝曰皇子辭不實之富至于旬月其賢於人遠矣然父召無諾君命召不俟駕願以臣子大義責之宜必入帝從之宗實遂受命將入宮戒其舍人曰謹守吾舍上有適嗣吾歸矣因肩輿赴召良賤不滿三十人行李蕭然唯書數厨而已中外相賀

冬十月賜諸路錢助糴常平倉

詔天下常平倉多所移用而不足以支凶年其令內藏庫三司共出緡錢一百萬下諸路助糴之

發明

蘇氏曰善治天下者必明於天下之情而後得御天下之術仁宗以常平移用不足以支

凶年復詔出錢詣路助糴則其勤恤民隱之心可見矣合前後所書觀之則仁宗憂國之誠而綱目樂予之意為可見爾後之治天下者當鑒於斯

知府州折繼祖卒

初繼祖欲解去州事下河東安撫使梁適體量適言折氏世襲此州比年監司一以條約繩之尤為煩密繼祖不自安故欲解去乞慰存之詔不許至是卒以其兄子克柔權領州事

癸卯 八年春三月帝崩鉅鹿公曙即位尊皇后為皇太后

赦

帝暴疾崩於福寧殿皇后聞之悉斂諸門鑰寘于前
黎明召皇子入以遺詔令嗣位皇子驚再言曰曙不
敢為因反走韓琦等共掖留之四月朔皇子即位欲
亮陰三年命琦攝冢宰宰臣不可乃止史臣曰仁宗
恭儉仁恕敬天重民有司嘗請以玉清舊址為苑帝
曰吾奉先帝苑園猶以為廣何以是為燕私嘗服浣
濯惟布衾稠多用繒絁嘗中夜飢思曉羊戒勿宣索
曰恐膳夫自此戕賊物命以備不時之需大辟疑者
皆令上獻歲活千餘人每諭輔臣曰朕未嘗詈人以
死況敢濫用刑乎四十二年之間吏治若媮惰而任
事茂殘刻之人刑法似縱弛而決獄多平允之士國
未嘗無弊倖而不足以累治世之體朝未嘗無小人
而不足以勝善類之氣君臣上下惻怛之心忠厚之
政所以培壅國基者厚矣子孫一矯其所為馴致于

亂傳曰為人君止於仁帝誠無愧焉呂中曰國家之有天下強不如秦富不如隋形勢不如漢土地不如唐所恃者人心而已太祖肇之太宗真宗培之至仁宗四十二年深仁厚澤刑以不殺為威財以不畜為富兵以不用為功人才以不作聰明為賢以寬厚待民以恩禮待士夫而以至誠待夷狄蘇軾謂社稷長遠終必賴之者誠確論也

廣義

太抵文勝乎質史家之謬瑜不掩瑕斯為定論觀史臣呂氏之言固足以知仁宗之賢然無罪而廢正后飾非而謫諫官是誰之過與此有識君子所以不滿臣史臣呂中也

帝有疾詔請皇太后權同聽政

帝有暴疾詔請皇太后權同處分軍國事后乃御內東門小殿垂簾宰臣日奏事后性慈儉頗涉經史多

援以決事中外章奏曰數十上一一能記綱要有疑未決者則曰公輩更議之未嘗出己意檢視曹氏及左右臣僕毫分不以假借官省肅然

發明

太后聽政固非清朝之令典是時英宗有疾而詔同聽政則非臨朝者比矣故書權同聽

政以見非專輒之意也

立皇后高氏

后侍中瓊之曾孫母曹氏太后姊也故少育于宮中與帝同年生又俱撫育于太后仁宗嘗曰異日必以為配既長出宮婚于濮邸封京兆郡君生三子至是冊為皇后

五月以富弼為樞密使○秋七月帝疾瘳

帝疾甚舉措或改常度過宦者尤少恩左右多不悅乃共為讒間兩宮遂成隙內外洵懼知諫院呂誨上書兩宮間陳大義詞旨深切多人所難言者然兩宮猶未釋然一日韓琦歐陽脩奏事簾前太后嗚咽流涕且道所以琦曰此病故爾疾已必不然子疾母可不容之乎后意不解脩進曰太后事先帝數十年仁德著于天下昔溫成之寵太后處之裕如今母子間反不能容邪后意稍和脩復曰先帝在位久德澤在人故一日晏駕天下奉戴嗣君無敢異同者今太后一婦人臣等五六指大耳非先帝遺意天下誰肯聽從后默然久之琦進曰臣等在外聖躬若失調護太后不得辭其責后驚曰是何言我心更切也同列聞者莫不流汗後數日琦獨見帝帝曰太后待我少恩琦對曰自古聖帝明王不為少矣獨稱舜為大孝豈其餘盡不孝哉父母慈而子孝此常事不足道惟父母不慈而子不失孝乃為可稱但恐陛下事之未至

矣父母豈有不慈者哉帝大感悟帝自六月不御殿至是初御紫宸殿見百官琦因請乘輿禱雨具素服以出人情大安

廣義

書傳曰大臣一身百責攸萃震撼擊撞欲其鎮定甘辛燥濕欲其調劑盤結紛錯欲其解

紓黥闇汚濁欲其茹納然則事之震撼擊撞甘辛燥濕黥闇汚濁者孰有過于此哉今也韓呂歐陽各奮忠誠幹乾坤于再造復日月于既食非曠度洪量者能如是乎蓋易曰大車以載有攸往無咎其韓呂歐陽之謂乎

契丹耶律元重反兵敗自殺

契丹主尊寵其叔重元甚至賜以金恭免拜不名而重元陰懷異圖是月契丹主田于藥水之太子山重

元子楚王尼嚕古與樞密同知蕭呼敦等四百人謀作亂敦睦官使耶律良上變契丹主召南院樞密使耶律仁先語之且急召尼嚕古仁先曰此曹凶逆臣固疑之陛下宜謹為備臣請帥衛士討之尼嚕古聞召知事泄遂誘脅手軍犯帷殿契丹主急欲走南北院仁先曰陛下若舍扈從而行敵必躡其後且南北大王心未可知乃止仁先環車為營折行馬為兵仗帥官屬近侍三十餘騎陣抵柵外使北院樞密使耶律伊遜等率宿衛士卒數千人與尼嚕古戰敵衆多降尼嚕古躍馬突出為近侍渤海阿蘇等射殺之重元被傷而退其黨謂呼敦等曰行宮無備宜乘夜劫之若候明日外援必至其誰從我呼敦曰第圖之勿令外軍得入彼何能為黎明而發何遲之有重元從之令四面巡警待旦遂奉重元僭位以呼敦為樞密使而率衆人二千薄行宮會五院部節度蕭塔剌開召領兵適至仁先俟敵氣沮背營而陣乘便奮擊

塔喇自外擾之其徒大奔追殺二十餘里重元走大漠嘆曰尼嚕古使我至此乃自殺黨與皆伏誅契丹主執仁先手曰平亂皆卿之力也加尚父進封宋王伊遜等加賞有差

冬十月葬永昭陵



御批續資治通鑑綱目卷五